

九

48
214
9



門 18
號 214
卷 9

光緒二十二年九月廿一日 第 九 册

時 報

昭和十九年
一月十九日
未

時務報第九冊目錄

論中國積弱由於防弊

論中國參用民權之利益

恭錄 諭旨

容觀察 請創辦銀行章程

英文報譯

倫敦學校歲報

俄國添兵論

牛庄貿易情形論

駁英人論機器不宜進中

國論見第

增加稅則論

各國兵費及交戰傷亡人數

論英國煤利漸失

英包探勘盜密約案續第八冊

路透電音

東文報譯

銀貨問答

歐洲外交政策

俄皇游歷歐洲

論俄相兒那巴拿弗

俄人窺

伺滿洲

朝鮮准俄人採伐林木

俄國貿易大會

英俄合從策

意責南美

政府 虞侯評論土皇

朝鮮貨幣考 論臺灣財政

論慶兵要電

華盛頓傳續第八冊

倫敦鐵路公司章程續第八冊

新會梁啟超撰

番島鄧廷鏗 東臺楊葆寅 舊譯

論中國積弱由於防弊

新會梁啟超撰

先王之為天下也公。故務治事。後世之為天下也私。故務防弊。務治事者。雖不免小弊。而利之所存。恆足以相掩。務防弊者。一弊未弭。百弊已起。如葺漏屋。愈葺愈漏。如補破衲。愈補愈破。務治事者。用得其人。則治。不得其人。則亂。務防弊者。用不得其人。而弊滋多。即用得其人。而事亦不治。自秦迄明。垂二千年。法禁則日密。政教則日夷。君權則日尊。國威則日損。上自庶官。下自億姓。游於文網之中。習焉安焉。馴焉擾焉。靜而不能動。愚而不能智。歷代民賊。自謂得計。變本而加厲之。及其究也。有不受節制。出於所防之外者。一事曰彝狄。曰流寇。二者一起。如湯沃雪。遂以滅亡。於是昔之所以防人者。則適足為自做之具而已。梁啟超曰。吾嘗讀史鑑古今成敗興廢之迹。未嘗不悁悁而悲也。古者長官有佐無貳。所以盡其權。專其責。易於考績。王制公羊。露所述。官制莫不皆然。獨周禮言建其正。立其貳。故既有冢宰。司徒。司馬。司寇。冠。司空。復有小宰。小司徒。小宗伯。小司馬。小司寇。凡正皆卿。一人凡貳皆中大夫。二人。此今制一尚書。兩侍郎之。漢世九卿。尚沿斯制。漢晉間。太常等尚無少卿。後夫二人。此今制一尚書。兩侍郎之。漢世九卿。尚沿斯制。漢晉間。太常等尚無少卿。後世懼一部之事。一人獨專其權也。於是既有尚書。復有侍郎。重以管部。計一部而長官七人。人人無權。人人無責。防之誠密矣。然不相掣肘。即相推諉。無一事能舉也。古者大國百里。小國五十。各親其民。而上統於天子。諸侯所治之地。猶今之縣令而已。

漢世猶以郡領縣而郡守則直達天子後世懼親民之官權力過重也於是為監司以防之又慮監司之專權也為巡撫巡按等以防之又慮撫按之專權也為節制總督以防之防之誠密矣然而守令竭其心力以奉長官猶懼不得當無暇及民事也駿萬姓脂膏為長官苞苴雖厲民而位則固也古者任官各舉所知內不避親外不避讐漢魏之間尚存此意故左雄在尚書而天下號得人毛玠崔琰為東曹掾而士皆砥礪名節後世慮選人之請託銓部之徇私也於是崔亮裴光庭定為年勞資格之法孫丕揚定為掣籤之法防之誠密矣然而奇才不能進庸下不能退則考績廢也不為人擇地不為地擇人則吏治壞也古者鄉官悉用鄉人周禮管子國漢世掾尉皆土著為之漢時掾屬無不用本郡人者房之此請乃是破格蓋使耳目相近督察易力後世慮其舞弊也於是隋文革選盡用他郡然猶南人選南人選北人選北人宋政年詔知縣注選雖甚遠無過明之君相以為未足於是創南北互選之法防之誠密矣然赴任之人動數千里必須舉債方可到官非貪污無以自存也土風不諳語言難曉政權所寄多在猾胥而官為綴旒也古者公卿自置室老漢世三府開閣辟士九卿三輔郡國咸自署吏顧氏曰知錄云鮑宣為豫州牧郭欽奏其舉錯煩苛代二千天子而代之宜乎所以膺指相使情義相通後世慮其植黨市恩也於是一命以上皆事煩而職不舉

由吏部防之誠密矣然長佐不習耳目不真或長官有善政而未由奉行或小吏有異才而不能自見也古者用人皆久於其任封建世卿無論矣自餘庶官或一職而終身任之且長子孫焉爰及漢世猶存此意故守令稱職者璽書褒勉或累秩至九卿終不遷其位蓋使習其地因以竟其功後世恐其久而弊生也於是定為幾年一任之法又數數遷調宜南者使之居北知禮者使之掌刑防之誠密矣然或欲舉一事未竟而去官則其事廢也每易一任必經營有年乃更舉一事事未竟而去如初故人人不能任事而其盤踞不去世其業者乃在胥吏則吏有權而官無權也古者國有大事謀及庶人漢世亦有議郎議大夫博士議曹不屬事不直事以下士而議國政余別有古議院考所以通下情固邦本後世恐民之訕己也蔑其制廢其官防之誠密矣然上下隔絕民氣散奠外患一至莫能為救也古者三公坐而論道其權重大其體尊嚴三公者一相二伯漢制丞相用人行政無所不統蓋君則世及而相則傳賢以相行政所以救家天下之窮也後世恐其專權敵君也漸收其權歸之尚書漸收而歸之中書而歸之侍中而歸之內閣漸易其名為尚書令為侍中為左右僕射中書侍郎門下侍郎為平章政事同三品為大學士漸增其員為二人為四人乃至十人漸建其貳為同平章事參知政事為協辦大學士其位日卑其權日分於是宰相遂為天

子私人防之誠密矣。然政無所出，具官盈廷，徒供畫諾，推諉延閣，百事叢脞也。古者科舉皆出學校，教之則爲師，官之則爲君。漢晉以降，猶采虛望，後世慮士之沽名，官之徇私也。於是爲帖括詩賦以錮之，浸假而鎖院而搜檢，而糊名而謄錄，而迴避。若夫試官，固天子近侍親信之臣，親試於廷，然後出之者也。而使命一下，嚴封其宅，馬所至嚴封其寓，馬行也嚴封其舟車，馬若檻重囚，防之誠密矣。然暗中摸索，探籌賭戲，驅人於不學，導人以無恥，而關節請託之弊，卒未嘗絕也。古之學者，以文會友，師儒之官，以道得民，後世恐其聚衆而持清議也。於是戒會黨之名，嚴講學之禁，防之誠密矣。然而儒不談道，獨學孤陋，人才彫落，士氣不昌，徒使無忌憚之小人，借此名以陷君子，爲一網打盡之計也。古者疑獄，汜與衆共，懸法象魏，民悉讀之，蓋使知而不犯，寃而得伸，後世恐其民之狡賴也，端坐堂皇，以聳之，陳列榜楊以脅之，防之誠密矣。然才豪者益藉此以嚇小民，愿弱者每因此而戕身命，猾吏附會例案，上下其手，寃氣充塞，而莫能救正也。古者天子時巡，與國人交，君於其臣，賤亦答拜，漢世丞相謁天子，御座爲起，在輿爲下，郡縣小吏，常得召見，後世恐天澤之分不嚴也。九重深閉，非執政末由得見，防之誠密矣。然生長深宮，不聞外事，見賢士大夫之時少，親宦官宮妾之時多，則主德必昏也。上下睽孤，君視臣如犬馬，臣視君如國人也。凡百

庶政罔不類是，雖更數僕，悉數爲難，悠悠二千歲，莽莽十數姓，謀謨之臣比肩，掌故之書充棟，要其立法之根，不出此防弊之一心，謬種流傳，遂成通理，以慎密安靜爲美德，以好事喜功爲惡詞，容容者有功，礪礪者必缺，在官者以持祿保位爲第一義，綴學者以束身自好爲第一流，大本旣撥，末亦隨之，故語以開鐵路，必曰恐妨舟車之利也，語以興機器，必曰恐奪小民之業也，語以振商務，必曰恐壞淳樸之風也，語以設學會，必曰恐導標榜之習也，語以改科舉，必曰恐開躁進之門也，語以鑄幣楮，必曰恐蹈宋元之轍也，語以采礦產，必曰恐爲晚明之續也，語以變武科，必曰恐民挾兵器以爲亂也，語以輕刑律，必曰恐民藐法紀而滋事也，坐此一念，百度不張，譬之忡病，自驚自怛，以廢寢食，譬之痿病，不痛不癢，僵卧牀蓐，以待死期，豈不異哉，豈不傷哉，防弊之心，烏乎起，曰起於自私，請言公私之義，西方之言曰，人人有自主之權，何謂自主之權，各盡其所當爲之事，各得其所應有之利，公莫大焉，如此則天下平矣，防弊者欲使治人者有權，而受治者無權，收人人自主之權，而歸諸一人，故曰私，雖然，權也者，兼事與利言之也，使以一人能任天下人所當爲之事，則卽以一人獨享天下人所當得之利，君子不以爲泰也，先王知其不能也，故曰不患寡，而患不均，又曰君子有絜矩之道，言公之爲美也，地者積人而成，國者積權而立，故全權之

國強缺權之國歟。無權之國亡。何謂全權。國人各行其固有之權。何謂缺權。國人有
有權者。有不能自有其權者。何謂無權。不知權之所在也。無權惡乎起。曰。始也欲以
一人而奪衆人之權。然衆權之繁之大。非一人之智與力所能任也。既不能任。則其
權將糜散墮落。而終不能以自有。雖然。向者衆人所失之權。其不能復得如故也。於
是乎不知權之所在。故防弊者。始於爭權。終於讓權。何謂讓權。天下有事。上之天子。
天子曰議以聞。是讓權於部院。部院議可。移文疆吏。是讓權於督撫。督撫以頒於所
屬。是讓權於州縣。州縣以下於有司。是讓權於吏胥。一部之事。尙侍互讓。一省之事。
督撫互讓。一國之事。君民互讓。爭固不可也。讓亦不可也。爭者損人之權。讓者損己
之權。爭者半而讓者半。是謂缺權。舉國皆讓。是謂無權。夫自私之極。乃至無權。然則
防弊何爲乎。吾請以一言蔽之。曰。因噎而廢食者必死。防弊而廢事者必亡。

錢塘汪康年撰

論中國參用民權之利益

中國之言治者。曰以君治民而已。至泰西而有民主之國。又有君民共主之國。中國
之儒者。莫不駭且怪之。雖然。何足怪哉。古之言治者。莫不下及於民。是以尙書洪範
曰。謀及庶人。呂刑曰。皇帝清問下民。周禮小司寇。掌外朝之政。以致萬民而詢焉。朝
士左九棘。孤卿大夫位焉。羣吏在其後。右九棘。公侯伯子男位焉。州長衆庶在其後。
孟子曰。國人皆曰賢。然後用之。國人皆曰不可。然後去之。國人皆曰可殺。然後殺之。
其他見於經典者。不可僂指數。是古之爲國。未嘗不欲與民共治也。顧或思權之下
移。不知君民共主之國。凡國有大事。下諸議院。議院議之。斷之。君而行之。官。君有不
同。可使復議。議不能定。可更置議員。是大權仍操之君。或曰。用民權則桀黠得志。豪
強橫行。亂且未已。不知民但能舉俊秀以入議院。而不能肆行己志。議員但能議其
事。而不能必其行。何肆橫之有。或曰。權在上則聚。在下則散。散不可以爲國。不知議
員人雖多。必精其選。議雖雜。必擇其多。選精則少。謬誤之論。擇多則願行者衆。是三
者皆非足置慮者也。且夫居今日而參用民權。有三大善焉。蓋從前泰西。君權過重。
故民權伸而君權稍替。中國君權漸失。必民權復而君權始能行。何則。中國雖法制
禁令。號出於君。顧前代爲君者。深恐後世子孫。不知事體。或有恣肆暴橫之事。故再
三申之。凡事必以先代爲法。毋得專擅改易。故舉措一斷之例。大臣皆奉行文書。百
官有司。咸依故事爲斷。而孰諳則例之吏。乃得陰持其短長。故國之大柄。上不在君。
中不在官。下不在民。而獨操之吏。吏志在得財。傳子孫。初無大志。故翫利營私。叢弊
如毛。良法美意。泯焉漸滅。且不特此也。君獨立於百官兆民之上。則觀察不能下逮。
而力亦有所不及。是以會計隱沒。上勿知也。刑獄過差。上勿察也。工作窳敝。上勿聞

也。屢戒徇私而下之情，如故。屢飭潔已而下之貪，賄如故。屢飭守法而下之作弊，如故。詔書嚴切，官吏貌若悚惶，而卒之無纖毫之悔改，猶得謂之君有權乎？惟參用民權，則千耳萬目，無可蒙蔽。千夫所指，無可趨避。令行禁止，惟上之從。雖曰參用民權，而君權之行，莫此若矣。且夫民無權，則不知國爲民所共有，而與上相睽。民有權，則民知以國爲事，而與上相親。蓋人所以相親者，事相謀，情相接，志相通也。若夫君隆然若大人，民藹然如草芥，民以爲天下四海皆君之物，我輩但爲君之奴僕而已。平日政事舉措，漠不相聞。一旦變故起，相率委而去之。但知咎君之不能保護已，而不知纖毫盡心力於君，惟與民共治之。國民之與君，聲氣相接，親愛之心，油然而生。故西國之民，見君則免冠爲禮，每飲酒必爲君祝福。國有大事，則羣起而謀其故。蓋必使民共樂，民然後樂其樂，使民共憂，民然後憂其憂，必然之理也。若夫處今日之國勢，則民權之行，尤有宜亟者。蓋以君權與外人相敵，力單則易爲所挾，以民權與外人相持，力厚則易於措辭。西人與中國互市，動輒挾我國君之權力，以制我之民。中國欲拒之，則我之權不足，欲以民爲辭，則中國久無民權之說，無可措語。是以增訂條約，不謀之民，而輒許之。索租界，索賠款，亦不謀之民，而輒與之。其他一切有損於國，有損於民之事，皆惟西人所欲，應之如響。有司奉令承教，爲之惟恐不速。於是民讐視西人之餘，轉而讐視有司。夫天下之權勢出於一則弱，出於億兆人則強。此理之斷斷然者。且夫羣各行省之人，而使謀事，則氣聚。否則散。使士商氓庶，皆得慮國之危難，則民智。否則愚。然則反散爲聚，反愚爲智，非用民權不可。夫豈有妨害哉？吾見古制復，則主權尊，國勢固也。

諭旨恭錄

八月二十一日奉 旨芬車現駐南苑鑾儀衛鑾儀使著奕功署理欽此○同日奉 旨芬車現駐南苑左翼前鋒統領著阿克丹署理欽此○同日奉 旨桂祥扎拉豐阿現駐南苑鑲白旗漢軍都統著裕德署理正藍旗蒙古都統著懷塔布署理欽此○同日奉 旨芬車秀吉明惠定昌現駐南苑鑲黃旗滿洲副都統著溥倫署理正藍旗滿洲副都統著善耆署理鑲白旗蒙古副都統著彭壽署理正白旗漢軍副都統著蘇嚕岱署理芬車所署正藍旗漢軍副都統著載瀾暫行署理欽此○二十五日奉 上諭訥欽奏揀員請補番官一摺，瞻對番官員缺著擬正之四朗多布結補授該衙門知道欽此○二十七日奉 上諭步軍統領衙門奏拿獲結夥搶掠行旅並劫奪餉銀槍斃事主盜犯請交部審辦一摺，所有拿獲之大王卽王玉珍、大張卽張玉山、梁九兒、卽梁永升、梁四張二等五名著交刑部嚴審辦理未獲之劉運頭、劉二、康文亭等犯仍著嚴緝務獲送部至原拿此案之員弁等俟刑部定案時聲明請

旨該部知道欽此○同日奉 上諭步軍統領衙門奏拿獲迭次結夥偷竊武備院官物賊犯請交部審辦一摺所有拿獲之王大即玉山兒連受即鐵兒文子寶文元即二臭沈慶安即喜兒信玉順等五名著交刑部嚴審辦理未獲之殷一了頭一名仍著嚴緝務獲送部該部知道欽此○同日奉 上諭前據御史楊崇伊奏參江蘇巡撫趙舒翹勒遷棚民幾至激變及署元和縣知縣葉懷善著名貪酷各節當經諭令龍湛霖確查具奏茲據查明奏稱崇實去浮勤求吏治被參各節均係訛傳即著毋庸置議署元和縣知縣葉懷善聲名狼藉怨讟繁興著即行革職該部知道欽此○二十八日奉 旨此案著交王文韶督同臬司親提人證卷宗秉公研訊確情按律定擬具奏原告童生王親賢該部照例解往備質欽此○同日太常寺題九月十一日祭 歷代帝王廟奉 旨遣魁斌行禮兩廡遣長萃溥善溥頌寶昌各分獻欽此○同日又題九月十三日祭 都城隍廟奉 旨遣文熙行禮欽此○九月初二日奉 上諭吏部奏遵議處分一摺江甯布政使瑞璋著照所議即行革職欽此○初三日奉 上諭江甯布政使著松壽補授張紹華補授江西按察使欽此○同日奉 硃筆載蕙補授太僕寺少卿欽此○初四日奉 上諭吏部奏遵議處分一摺開缺奉天東邊道張錫鑾著照部議即行革職所有該革員侵吞稅務款項著依克

唐阿查明實在數目嚴行勒追餘依議欽此○初八日奉 上諭李秉衡奏保舉山東緝捕能員請旨獎勵等語調補河澤縣知縣朱慶元調補曹縣知縣曾啟垣調署清平縣招遠縣知縣朱鍾琪金鄉縣知縣張鴻鈞署鉅野縣題補陵縣知縣許適瑞前署曹縣現署在平縣候補知縣王鍾雋署莒州候補知縣蕭燦署霑化縣候補知縣汪麗金署城武縣候補知縣楊義堃以上各員均能整頓捕務破獲巨案著有成效著傳旨嘉獎該部知道欽此

容觀察 閱請創辦銀行章程

銀行總綱四條

一開辦事權 銀行昉自泰西英法諸國屢經改章愈變愈精要以美國為最善日本銀行亦多採之今擬參倣美國銀行章程先設總銀行於京都續設分銀行於各省城及通商口岸總銀行資本以一千萬元為額統由戶部籌撥 欽派大臣督辦并專派大員總辦分銀行即由督辦總辦陸續招商集股擇地開設所有總行分行一切應辦事宜隨時擬定咨明戶部辦理

一印發券票 泰西有國債券無論數千百萬皆由銀行籌繳今息借商民之財而給以憑據名為借券銀元通行市面而代以紙幣名為銀票此兩種均由總銀行

用機器製造。或暫時先往外洋定造。借券年息五釐。以備各分行繳銀領券。凡有商民願買。亦可照領銀票。照資本定額。如以一千萬元爲本。應提六成。六百萬元存庫。此六百萬元中。又以八成製爲銀票。計四百八十萬元。票內載明有庫款存抵。本多票少。隨時兌現。與空出紙幣者不同。自無折閱之慮。通行各省。可抵錢糧。繳歸藩庫。即可作京餉起解。開辦之後。京外流通。資本愈厚。即照章加發銀票。該票之鋼模定鑿。紙張定造。經數十手而成。正面華文。背面西文。花紋工細。斷難仿冒。仍由戶部編號加戳。然後通行。每月已未發各若干。詳註冊簿。發出銀票。設或日久破損。准換新票。所繳舊票。點明號數。對眾銷毀。

一擴充分行 總行既撥官款。分行應招商股。京都繁盛。可設分行數處。各省會暨通商大埠。如上海等處。次第招商開設。泰西因領用券票。稱爲國家銀行。今請設立牌號。稱爲某某官銀行。如集股十萬元。應先繳銀三萬元。給與借券。如繳銀之數。股本多。則借券遞加。總合股本三分之一爲度。此項借券。於各處官銀行開市時。仍繳存總銀行。掣給憑單。每年給與年息五釐。核照所繳借券之多寡減成。另領銀票。所減成數。又以股本多寡。酌定等差。股本五十萬以下者。照所繳借券領銀票九成。五十萬以上者八成。百萬以上者七五成。二百萬以上者六成。如此則

股本愈多。而所領銀票之成數愈減。此項銀票。需用若干。係於總銀行額設四百八十萬元銀票之外。另行隨時印造。萬一分行虧折。已有存總行之借券抵保。且爲數多於銀票。除抵償外。尚有餘款。以備派員查帳等用。再有盈餘。仍給還各股商。並照西例。凡銀票存項股本。每年正月七月。收稅兩次。每次通扯銀票。已用出者。收稅五毫。存項一毫半。股本二毫半。合併一釐。兩次共計二釐。收稅極微。與生意無礙。其餘未領借券之票號錢莊。如有願改官銀行者。亦准繳銀領券。一律辦理。其牌號悉聽照舊。無庸更易。

一兼管鑄造 現在銅錢日少。而金銀兩品尤闕。擬由京都總銀行鑄造金銀錢。近日金錢一項。外洋交涉漸多。其分兩成色。務與西式一律。庶中外通行。不致因金價先零而折閱。審是則需金日多。金礦宜盡力開採。土法淘洗。所得無幾。宜聘礦師。購機器。廣開以期迅速。所出之金。統運京都鑄錢。不得私售出洋。以杜漏卮。此中收回利權不少。若礦金不敷。鼓鑄。自可稍待機宜。且先鑄銀元。以便民用。現查各省官局。已鑄銀錢。其成色高低。務宜一律。設有參差。關係甚大。請飭將各省新鑄式樣。送總銀行查驗。其每年共鑄若干數目。亦須咨報。以憑稽核。

總行章程十二條

一總銀行代戶部籌款。本與分行專做生意者不同。惟創辦之始。分行尚未遍設。擬請暫收官商存項。並匯劃支付等款。以爲商辦分行之倡。經理一切。尤在得人。應由總辦招請美國熟手。分司其事。詳核收支。以免遺漏。而昭大信。漸與各國著名銀行聯絡。以期匯劃可通。緩急可恃。款歸實際。人無虛設。所有員司。概不徇情濫用。一總銀行自總辦以次薪水。以及公用。應准作正開銷。暫在所撥資本內支付。俟銀票通行。鑄錢獲利後。自應專撥幾成。以備行用。一切款目。每月結報一次。每年綜核一次。刻成總冊。編發各省分行。並詳報戶部備案。總銀行冊簿。戶部堂司可以隨時閱看。

一所撥資本一千萬元。除六百萬元存庫外。尚餘四百萬元。預備購地建屋造庫。機器鋼模紙張。并鑄造金銀等用。奉准之後。請先撥若干。以便布置一切。一鑄造金銀。需費較鉅。如資本不敷。周轉應請設法籌撥。轉輸甚捷。不致久閣成本。以後戶部應放款餉。如以金銀錢及銀票爲便。即可酌量搭放。若創辦之始。市價未平。或有漲落等情。再行斟酌辦理。以期盡善。

一新開金礦。或統歸官辦。或招商集股。商股應得之金。擬請按照時價。給以鑄出之金錢。以免金砂金塊轉售出洋。此中仍恐難免偷漏。須飭經辦之人。隨時稽查結報。一總行有稽查分行之責。買賣空賣空。自當嚴禁。如各行有違例情事。可派委員至該行查帳。如有應改應添。或應撤之事。稟請核辦。費用開銷公款。如派出之員。有滋擾勒索等事。准分行詳報。立時撤去。


一總行所收藏鐵櫃之借券。以及各項鋼模。每年須由戶部會同查看一次。有無損壞走漏。登明簿冊。其已停辦之銀行。所用銀票鋼模。隨時驗明銷毀。一所發借券。除官銀行照領外。其餘紳商士庶。均可購買。應付年息五釐。無論何處。官銀行一律驗票照付。所付之銀。由官銀行報明總銀行。提款劃還。

一所收借券現銀。實與息借商款無異。因有銀行付息。較易取信。俟集成巨款後。可用以整頓海陸兩軍。及一切保護疆土。振興商務之事。

一泰西借券。名目不一。用作何項工程者。即名爲何項借券。或二十年。或三十年。券內載明年限。但使年息照付。民信皆孚。限滿之後。仍可展期若干年。換給新券。

一鐵路招商。創議已久。祇准華商承辦。不許暗招洋股。且路長款少。勢難徧築。惟總銀行及分行開設之後。借券暢行。可另發鐵路借券。每張百元至五百元。或一千元。商民因銀行之可恃。而深信。國家必有羣相購買者。通國鐵路。不難同時並築矣。

一借券之式大約長方尺餘上列本票下列方寸小票四十張即息票也到期持向銀行剪去一票即可收息再到期再剪每年付息兩次前剪盡小票則年限已滿可持本票收本其法甚善其製甚精茲謹繪圖式於左



上層本票下層分列小票每年付息兩次每次剪去一票計四十小票二十年滿期

分行章程二十四條

- 一 分設官銀行之牌號住址及董事幾人集股若干每人有股若干每股先收若干
- 一 應設立合同簿册刻用圖記開報總銀行轉詳戶部給與准開執照并稟請本省藩司暨地方官立案以憑查考
- 一 官銀行如集股十萬元應俟開辦獲利後逐漸提存公積銀至二萬元為止作為餘本萬一股本虧折除將餘本儘數分償外不更追查各股商私財此為有限公司庶股商不致受累
- 一 開設之日照西例先定限二十年如無違例之事准其再開如未滿年限查有違例之事即令停辦或三分有二之股商不願再開亦可隨時會議停辦
- 一 股商所買股分即係自己產業如欲轉售於人可至本行報明於簿册內改換新股商姓名住址如未報明改換倘有應問股商之事仍惟舊股商是問
- 一 股商公舉董事至少五人董事中再推某為總董某為副董某為本行總理均須有股分稍多之人至僱用司帳等人須取的保定賞罰凡收買匯票期票以及代存銀兩抵押款項應由總理主政
- 一 股本收進一半即可稟請開辦未收股本分期續收如有股商或代股商辦事之

人於續收股本到期不付，即出傳單聲明轉售，倘無人願買，則該股已付之本，准於六箇月內，由董事會議定奪，倘因此而資本不足，即行查帳停辦。

一 如欲推廣生意，加添資本，或三分有二之股商，欲減少資本，均須詳報總銀行批准，以便核定借券之多少，照例增減。

一 每年正月七月，由公舉董事，聚議行務，董事任事之期，一年為限，如眾議僉同，亦可接任，每股商按股之多少，派議事單若干紙，備書是否字樣，如不能親到，可託他股商代議，而行中執事不與焉，至股商有欠行中款項者，不准會議。

一 錢莊票號，資本充足，可以改官銀行者，不必另換牌號，如有數家合併一行者，牌號聽其自定，均須將資本若干，報明總銀行，照定章核辦。

一 每六箇月，董事查核除開銷外，淨利若干，每股派息若干，所獲淨利，當先提百分之十，劃入下屆帳內，為公積銀，一俟公積與股本核算至一十成之數，乃止不提。

一 銀行借與一公司，一商家，或一人之款項，期限以六箇月為定，如欲展期，須董事議准，其銀數不得過收進股本百分之十，至收買期，匯各票抵押生意，不在此例。

一 銀行股分票，不准在本行抵押，本行資本，不得移作各項工業字號，如股商掛欠本行銀款，過期不還，可將其股分撤回，准六箇月內售出，或當眾拍賣歸款，否則

總銀行可查帳勒停。

一 銀行所領銀票，原為隨時行用，不准抵押現銀，作為增添股本，亦不准將原定股本抽出，以銀票充作股本。

一 各銀行應於每年正月七月間，十日之內，開明上屆用出銀票，收進存項，除存部借券外，所有股本，通扯計算，每項若干，由首董帳房等簽字，呈繳總銀行備查，如有不開報者，議罰若干元，在應付借券息內扣除。

一 官銀行所領銀票，如有水火不測，准由該銀行呈出實據具結，請總銀行換給新票，補足所失之數。

一 官銀行所領銀票，雖有繳存之借券抵保，而本銀行內仍須存現銀二十五成，謂出銀票所收存項兩款合算百分之二十五成，以備兌現，俾無缺乏之虞。

一 外省各官銀行，應於所備現銀二十五成之內，酌提若干，存放京都總銀行，總銀行將此銀另款存儲，不營運，不算息，以備各省官銀行到京，可以兌現，總銀行收銀之後，給與各省官銀行收條，官銀行將此收條，亦可作為本行存銀額數，總期京外銀票流通，以昭大信。

一 各處官銀行所領銀票，准用以輸納地丁錢糧釐金鹽課等款，一如現銀，不折不

扣惟進出口關稅仍用現銀。

一京外各處官款餉項如有可以交銀行存放者即就近發交生息應解京餉協餉亦可飭該行滙解以歸簡易。

一銀行於借款拆息期滙各票應收息銀須照各處市面常例議定不得逾額如有違例取息過重應將存總銀行之借券息罰去並准人控告飭令償還。

一銀行不得收買地基除建造本行房屋及分行房屋地基外設有因欠項抵押或被欠無著作為歸款之地基暫時執掌即須售去不得過兩年半期限凡抵押地基房產亦須產價多於抵款一倍以昭慎重。

一銀行銀票如有持向該行兌現而不照付者准持銀票之人控告由總銀行查明確實議罰或收管該銀行資本簿據并代理各帳。

一銀行停辦後應將所存現銀繳歸總銀行以備代付用出銀票之數總行收票付現之後即將該行牌號銀票銷毀不再用出其前繳抵保銀票之借券可仍發還聽其作何開支。

一銀行自欲停辦潛將期滙各票抵押產據易換他人名姓以圖巧避查出從重議罰。

英文報譯

倫敦學校歲報

桐鄉張坤德譯

譯太唔士報西七月十六日

倫敦學校工程局具報上年學校情形內有文部核准添置地基房屋一節照錄於左。

上年三月二十四日至本年三月二十五日為止篇中謂上年即此一年本局照官價購得備造新學校之地基二十六處又添購擴充學校之地基四十二處此外尚有擬購之地基五十七處或備新學校或備擴充學校之用所購各地內有值錢之物由本局議定給價十萬四千二百四十三鎊其丈量費計一千一百七十七鎊一千八百九十五年三月二十五日以前所有已購及定購地價共計二兆九十八萬五千三百七鎊外費計四十一萬八千四百五十三鎊即工程局先後所購各地總共計三兆八萬九千五百五十鎊又外費總共計四十一萬九千六百三十鎊學校之早已告竣於本年三月二十五日開館者連上年添設已開之三學校在內共計四十所此外擴充二十所亦已完工其添設之三學校連地基房價鋪墊一概在內共費八萬七千八百四十八鎊可容學生三千九百十八名即每名就中費二十二鎊八先零五本土其擴充之學校添造房屋一切計費十二萬八千六百十八鎊可容學生五

千九百七十一名。即每名就中費二十一鎊十先令九本土。所有應設之新學校及地基所需各費。經文部核准。籌款九萬二千十二鎊。又擴充所需十七萬七千五百三十鎊。本城所有學校三百七所。其房屋鋪墊一切細帳。已於九十五年九月間結清。具報在案。房屋所費。每學生就中計十二鎊十四先零二本土。鋪墊所費。每名計十先零六本土。上年本局核准。由水木作包造之新學校計十一所。可容學生九千八百八十四名。定價十九萬五千六百二十六鎊。每名就中合十九鎊十五先零十本土。又包攬擴充學校十七所。可容學生五千一百六十七名。定價十一萬九千二百十九鎊。每名就中合價二十四鎊五先零十一本土。現在新設之學校十一所。其中八所。每塾應有廳房一間。其餘三所。每所祇廳房一二間。此外尚有烹調房。洗濯房。即教習手藝總會。或即教前班學生各塾。至新設學校及擴充學校。造價所以不同者。以擴充學校。原為將已有房屋。格外整頓。使極合用。且有數處。連烹調房。洗濯房。以及客房。格致化學等房。均由承造之人包攬在內。其餘各工程。由人包造。經局核准者。開列如下。烹調總會十一所。洗濯總會十三所。教習手藝總會十八所。教習手藝房十八間。又教專門學問之塾十一所。教習接生房三所。又學校五所。之前班學生。應有各房間。又戲玩地二十七所。又學校應開之溝渠及照養生法所需

各工程。其中十九所。合價三萬六千九百九十七鎊。其餘溫煖學校之滾水器具。又改造各房屋。現在新設學校。溫煖房間之法。均用水氣。不用火爐。即擴充各學校。亦照此法。將來再設學校。擬用雙分氣鍋。使一鍋損壞。尚有一鍋。即可開用。再天氣嚴寒之時。兩鍋又可並用。使房較為溫煖也。

上年本局。飭令委員。在於阿餒雷地基上。設一學校。專教人之耳聾者。所繪學生歇宿之學校圖樣。有房屋五所。均照住宅造法。可住男孩九十名。女孩六十名。該圖已經本局核准。所有阿一爾地方之戈登房屋。本局亦決意購買。作為女孩工業學校。上年學校所設溝渠。亦整頓一新。另有學校一百六十三所。或油漆。或僅裏面刷白。或僅外面刷白。或內外均刷乾淨者。再所有修理十八縣學校房屋。有九縣仍照舊用本局自僱工人之法。計僱工人五十六名。脩理鋪墊一切。由本局長工自脩。計用長工五十一名。至水木作僱用工人。工價及作工時刻。由本部于每合同內訂定。其包攬造房之水木作。如應照倫敦所定工價辦理。其所僱工人。應付之價。即須照倫敦造房公所。及倫敦造房工業董事互定之價付給。如包攬造房之水木作。不為倫敦定價所限。則其所僱工人。應付之價。不得比尋常所定至廉之價再少。本局所僱長工。工價與包攬造房水木作所付之價相同。本年三月二十五日。在造之新學校。計十八

所可容學生一萬六千七百四十二名。又在擴充之學校十八所。可容學生五千九百五十七名。另須擴充學校。業經本局核准者。計三十一所。可容學生一萬一百六十名。又文部核准入縣學校。應添置之地基。擬俟下期會議。再行列入單內。其中三所。可容二千四百九十名。本年三月二十五日為止。學校所備學生戲玩之地。逢禮拜日開用者。計二百九所云。

俄國添兵論

譯日本西字捷報 西九月廿九日

俄國在太平洋之舉動也。殫精竭慮。有心人能無憂哉。英日其將與之爭衡耶。抑將聽其自然乎。俄國運船。一禮拜內。所載往海參威之兵。道經新加坡者。以四千計。其駐防東西伯利亞各營兵數。向以十萬名。度之昔無此數。今不遠矣。惟其所以加增陸師之故。必有所注意者在。非求并吞。即事恫嚇。以逞其心之所欲耳。其駐東方之水師。已極雄壯。而復有加添之說。茲請列其兵船。即駐東方之兵船之堅利者於左。

一頭等鐵甲尼若辣。喫水八千四百四十噸。甲厚十四寸。架五十二噸之礮二尊。十九噸者四尊。六寸徑者八尊。又快礮十二尊。機器礮八尊。

二著名最巨之快船盧立格。喫水一萬九百噸。架八寸徑之快礮四尊。六寸者十六尊。四寸七分者六尊。又較小之快礮十八尊。護衛之帶甲厚十寸。每點鐘能行十八

海里。水師英官之論其戰力也。言人人殊。或以英之快船名革蘭夫登者。儘足抵之。或以非船之堅利。如申秋令。駐東方英提督坐船者。不足以勝之。其相殊也若此。

三愛特密爾那基毛甫。喫水七千七百八十二噸。造於一千八百八十五年。甲厚十寸。礮頗重大。八寸徑者八尊。六寸徑者十尊。餘礮較小。

四巴米阿得阿屬乏。造於一千八百八十八年。喫水六千噸。與英之恩配里歐司船相若。惟船身較小耳。其軍火之最利者。為八寸徑礮二尊。六寸徑者十三尊。

此外尚有鐵甲及快船數艘。又三等兵船九艘。魚雷船及捉魚雷船數艘。今據太晤士報所登路透電。稱俄國今秋將派鐵甲一艘。頭二等快船六艘。魚雷快船二艘。三等兵船六艘。又魚雷船七艘。歸提督阿雷格袖甫統帶。駐太平洋等語。是俄尚須添船也。有謂俄國將派之水師。或換防現駐太平洋之兵船。以俄國在東邊。修理大鐵甲。素稱不便。此一說也。有謂該電若作添派頭等快船二艘。二等一艘。解加現駐之水師。則阿雷格袖甫所統兵船。亦合電報所載之數。此一說也。有謂另派之水師。必盡添防。此又一說也。若第一說是。恐非是因兵船換防向無全換之例則將來之水師。必比今尤強。若第二說是。該電之意亦則俄國將厚其兵力。太平洋不久必戒嚴也。若第三說是。則俄國將大舉動矣。俄國兵船。果添如此之多。則日本水師。即八島富士一艦。亦算在

內不足拒禦。即英國現駐東方之水師亦難抵敵。然則英國非速添兵船。太平洋將歸俄國矣。香港印度將震動矣。所有在中國海面之商務將亦因此而停止矣。幸俄國所增兵力過厚。英國海部當不致忽畧之。其設法添船相抵。必無遲延。意中事也。太平洋將來或為日本所管轄。目前英決意主持之。明年開春後。將見太平洋水師雲集。其兵船之多。除地中海外。無其匹也。

牛庄貿易情形論

譯倫敦東方報 西九月初四日

英領事何君。具報牛庄上年貿易情形。論及該口可望興旺之處。尤為講究時務者所須知。以彼時正值日本據守該口也。一千八百九十四年。該口進出貨價。據何君所報。共計十六兆五十萬兩。次年因中日軍務。遽減至九兆五十萬兩。進口貨百分之中減五十分。出口貨減三十分。查日本據守該口時。所有內地往來貨物。盡行停止。其商店銀行。亦皆關閉。加之出口生意。直至遼東有交還中國之確信後。始行開辦。而該口進出貨價。並未十分減色。實屬幸事。所可異者。進口棉紗減少。而所銷之數。仍為貿易各貨之冠。以其雖比九十四年。約少一半。比九十三年。約少三分之一。猶過進口棉花貨物總價三分之一耳。茲將該三年進口棉紗磅數列左。

九十五年 五兆二萬二千四百磅

九十四年 十二兆九十三萬五千二百廿七磅

九十三年 十四兆七十三萬一千二百磅

英國棉紗。由一萬九千磅。九十四年進口之數加至十二萬九千磅。此數實不足為異。以該口所銷磅數。向以兆計。而日本棉紗。竟加二十八萬三千磅之多。又進口棉紗中有十萬磅。又原布八十疋。粗布三百二十疋。係由上海紡織局所製者。尤為僅見。沙列不雷侯嘗言有商務公所數處。委員不甚講究各領事所報貿易情形。憶念及此。尤不得不將鐵釘一項。可望暢銷之處。為該委員重言以申明之。牛庄所製鐵釘。釘頭太大。貨色又粗。現在所銷洋釘。區區一萬二千五百磅之數。據何君所料。必大加添。實於製釘用釘之人。兩有裨益。況吉林省木料最賤。凡造圍牆不用磚石。而以木為之。鐵釘用處之多可知矣。

何君所論滿洲土產。最要者為吉林所做之紅酒。如西國之格來立得酒是也。倫敦某行聞之。函請何君。寄做紅酒之葡萄子。立佛波爾某君。又託辦滿洲野花子。紛紛請託。以備栽植。並考究其用處。滿洲所出皮貨。及德沙紬。固已聞之久矣。近有某君。熟悉絲業者。前赴產絲各縣。查得該處做絲之法。亦屬盡善。絲業可望大興。斯則尙屬新聞。土國政府。講究蠶絲。請寄織德沙紬之蠶子。出種太速。不及遞寄。何君擬改

寄繭種此何君所報絲酒兩業情形也。滿洲所產之蘇亦將大興現已有出口者惟為數不多目前栽植未能盛行耳。

滿洲地土之肥寶藏之多凡讀威立姆孫君之遊歷中國北省日記者固無不知之悉矣惟此書為時已久茲何君所述尤屬近事蓋自威君遊歷後滿洲開墾各處又加整頓現在拓殖之人大半係山西山東省人遷居該處之後裔威君遊歷時沿大路各處已有人居住嗣因國家格外鼓勵所定地價甚廉百姓紛紛購地頗稱興旺景象為之一新近何君遊歷吉林其所經之處計七百八十英里絕少荒田類皆膏腴之地其通省情形頗似加拿大之平原間有似蘇考脫北省之土地者所墾之田廣大無比與中國南中各省之田陌阡短小迥不相同其遊歷時雖係冬季地凍無草而田中所遺之物皆高粱稻麻皮屑足見開墾之費工所產之茂盛也。

滿洲土產何君於稟報貿易情形時未便拉雜多陳聲明將來另行具報而滿洲一處自軍務後交涉紛起比前倍覺緊要所有另行具報一層曷禁引領望之惟該處於交戰時蹂躪頗廣百姓遷避甚遠幾疑其必不復返乃奉天交還中國後北省商務大加推廣興旺若斯其故何在何君竟未述及豈衰極必盛之謂歟此地若照西人所言早建鐵路其興旺氣象必有過於今茲者而中國自黑龍江以北劃歸俄國後始知鐵路之利及今猶未暢行舉辦近則百姓紛紛遷居滿洲昔之荒地今成肥壤所產貨物據何君所見皆用驢車往來載運若易以火車其利可勝道哉。

駁英人論機器不宜進中國

論見第八冊

譯上海字林西報初一日

英人某君來函駁某白人所論機器進口之弊茲特照錄於左。

上月二十九日貴報所登某白人請特特羣君及各英商於紡織局一事務須不顧私心而為公利一函觀其前後所論大旨以中國多織布一疋即英國少銷布一疋是以英人若能不求利己而損本國之工人未始非英國工業之幸也所論如是其不實處已可概見今試申辯明白以開該白人茅塞之心也。

凡述一事無論白人黑人必先知此事之實情方可論說而信中述及中國現擬將所有紡織局製成之貨概按價值百抽十一層特君奉有不能允從之命等語該白人若再稍加訪答必自知其言之謬矣特君此次北上專為條約應得之釐金利益並請中國於開設之廠局應抽之稅務須中西一律不得厚此薄彼有礙廠局盛行之勢特君此行僅為斯耳此層該白人所訪不確姑置不論其所論東方英人若不與蘭甘斯夏工人爭利則工業保矣英人即不與之爭利其能保他國之人亦如是乎日本紡紗工業共設廠七十處豈能為英人而停工乎印度一國他屬之印度姑

置不論。即英屬之印度。亦豈能不與我工人爭利乎。至我向製之貨物。今令人皆能製造。以奪我利等語。尤為不解。當今之時。非機器非爭利不行矣。無論製造何物。必以人地兩宜之國。獲利最多。此定論也。雖至白之人。不得易我言矣。再為保護英國工業計。宜於中國擬加稅則。值百抽十之議。先行允從等語。中國所製貨物。固已重稅。保我之工業矣。其如日本及東方他國所製之貨物何。假使英人果不在中國開設廠局。人人不敢急於求富。惟此事有利可圖。詎能阻止華人設局開廠乎。英人於將定棉花章程。若不從中取利。他國人未必能不爭先取勝。英人所以致富者。爭貿易場中應得之利耳。白人豈猶未之知耶。且蘭甘斯夏工人。既係英民。雖情形稍改。必有所以營生者也。

日本在上海設廠之意。業已中止一層。白人誤之又誤矣。日本未嘗不知上海設廠獲利之厚。即思舉辦。但因俄國動靜。究竟如何。尚未深悉。通商條約。亦未議定。目前受官長約束。暫不開設。今特君所供之差。其有關係於我者。即有關係於日人。果能辦妥。如願以償。日人仿行。意中事也。

增加稅則論

譯上海字林西報西十月十三日

中國所借洋款。均照金價合算。今欲脩築鐵路。及將軍務時所遺水陸各軍。另加整頓。在在需款。債臺又必添築一層。就現在已借洋款算計。僅息銀等費。已歲需二兆。磅。添辦軍械。所需至少。又須三兆。磅。共計五兆。磅。此款中國將如何籌畫。若僅加進口稅。所計似未盡善。要非暢行出口貨物。不足以濟事。因僅加進口稅。所入不足以償息銀。及購辦軍火之用。中國無論進口何物。非以金購。即以貨易。若以金購。則中國所納之稅。向收銀。不收金。兩不相抵。若以貨易。則所抽土產之稅。愈重。出口之貨物。必愈少。即進口之貨物。亦愈減。茲請試言其故。凡國用所需。各國均向百姓抽稅。撥發。惟出產之物。若抽稅太苛。則百姓所種預備出口之物。必少。或曰。中國所入土產稅銀。即可運之出口。以償息銀。而購軍火。此言誠然。詎知所產之貨。因稅重不能獲利。即國家賴以出。百姓必改種他物。而他物又值歐洲價廉。不宜出口。況出口貨價。非由中國自定。須由與中國爭利各國所定。即該貨在中國時。其價亦為與中國爭利各國能出售之價所定。如中國因稅重。欲加貨物之價。而此物在與我爭利各貨。價不能自定。而為與中國爭利各國能出售之價所定也。然則所借洋款。其清理之法。要惟暢行出口貨。而阻滯進口貨耳。

中國政府。向重農而輕商。其所以輕之之故。以商賈販賣之貨。非人所需之物。爰輕其業。而重其稅。試問天下無商。誰市土產。無人市土產。則中國將何以清其債款。

而購其軍火哉。然則加稅辦法。若不問商。將問諸誰。商固不可輕也。若與熟商。必曰加多進口稅。豁免出口陸地各稅。而鼓勵工業也。中國各省所入之款。各歸各用。其所入皆貨物。經過各省。應還之內地稅。中國釐金。若與歐洲各國之奧格曲勞稅。稅相若。本可不必干系。而西人現在所爭者。以貨物運到某省。自應納捐。而所經各省。不得抽釐。此層照現行條約。實在應爭之列。所有內地半稅。則照憑此。即可逢卡免釐。法亦未嘗不善。若華官果能遵照辦理。西人自無閒言。其如各省往往故意為難。何。中國政府向來辦法。為西人所深知。名雖出示。頒告各省。實在並不欲其照行。嗣後不論何時。更改稅則。西人情願按價。每百加抽若干。存在駐京使署。作抵華官應抽各稅款項。

中國向章。貨物由此至彼。通商口岸。除付出口。其貨物不出口。稅外。尚須另加半稅。謂之子口半稅。所抽數目。與內地半稅相同。該項子口半稅。若作為內地半稅。西人尚可滿意。惟付出口稅時。復須另加子口半稅。實屬太苛。將來更換稅則。該項子口半稅。應即刪除。

貨物抽稅之法。不可按貨價。即按價值百抽。而須照貨物分別定稅。使應付稅數目。各商自能核算。不致受華官欺蒙之弊。譬如各商欲將貨物運至某處。應納內地半

稅若干。一算便知。則官吏無所試其伎倆。華人之出仕也。由捐納。其補缺也。由賄賂。經手之款。上下侵蝕。意中之事。弊端百出。最難防範。所有商賈應納之稅。照前辦法。自知算繳。雖不能盡除勒索之弊。亦未始無補救於萬一也。中國之進口稅。不難加至值百抽十五。十成作為關稅。二成半作為內地半稅。又二成半交存駐京使署。均由海關分項照抽。洋藥應與他項貨物。分別另行辦理。此項貨物。即中國按價加至值百抽五十。西國亦可不問。印度政府。洋藥一項。歲入五六兆鎊。中國亦應准其分肥。況此物之有損無益。非中國所必需。加之中國既自栽植。英國若不生忌干系。本可知印度之獨擅其利也。再貨物進口。若照以上辦法。各項加稅。則進口之貨價貴。而銷路少。當足以補中國銀錢流至外洋之漏卮也。

中國果照以上辦法。所入之款。比前可多二三倍。惟加進口貨稅。尤必先有所以加之之法。其法惟何。曰。暢行出口貨耳。本地稅中國不論如何抽法。西人可不干系。應爭者。貨物由中國此處載至彼處。但須請內地半稅執照。該項半稅在某處完納後。其餘各處不得再行抽稅。不數年前。法意各國。由中國寄購蠶種。自行養蠶繅絲。藉此獲利。今則意法各國繅絲之利。已為中國所分。因中國現在自能繅絲。但售所繅之絲。蠶種不復發賣。此於中國大有裨益。因繅絲所需工費。非中國所給。實係購此

繅絲之國所付。今出口之繅絲。若能做成織紬之絲。則又勝一籌矣。若由織紬之絲。而織絲緞出口。則盡善盡美矣。

中國絲業之盛。猶其茶業之衰。其所以衰之故。以中國不能爭機器之便。及印度工價之廉耳。此國製茶用機器出口。無關稅。彼則用人工而重稅。孰軒孰輕。固不待言。茶業既壞。所有從前茶商。均須另行改業。其無業可改者。即入遊手好閒之流。中國若猶昏迷不悟。不速將土產格外輕稅。使無業之輩。易謀工作。則內亂之患。必有甚於今茲者。此等內亂。歐洲鮮有之。而中國則此處未已。彼處又起。將彈壓之不遑。豈復能整頓商業哉。

本地製成之貨物。應如何抽稅。與此項改更稅則。自行另議。據華官管見。各貨均須納稅。製成之貨物。豈能獨免。惟棉花繭子。如不出口。向不完稅。若以棉花繭子製成之貨物。即須如棉紗絲紬。進出口一律抽稅。不免苛刻。況製貨所用之料。已在出產之處。完納內地稅。並由該處發出之時。照完半稅。理應不再另抽。若必另抽。所定稅則。亦必比外洋載運進口之同項貨物較輕。以本地製成之貨。向無捐輸之說。再棉花製成之棉紗。與繭子製成之絲紬。物類不同。稅應輕重。所有製成之貨物。應抽之稅。應由熟悉情形者。斟酌妥定。方足以昭公允。而舒國用。

各國兵費及交戰傷亡人數

譯美國格致報 西七月十八日

法國近二百年內。所養兵費。共計九百九十三兆鎊。比利士每年費四十六兆佛郎。美國近三百年內。共費一千三百五十七兆鎊。班瑯克一役。交綏者十三萬五千人。傷亡三萬八千名。意國水陸兩軍。共費十四兆臘依。意國銀錢合五十六萬鎊。法國陸軍每年費六百七十五兆佛郎。水師二百九兆佛郎。俄國無事時。陸軍所需之馬。計十七萬疋。鮑立肥。南亞美利加國最窮。而陸軍所需。歲計三十六萬鎊。格雷無勞得一役。接仗者三十二萬人。傷亡四萬八千名云。

論英國煤利漸失

譯倫敦東方報 西九月十四日

英國煤利。為日本所分。本館已屢言之矣。今拋爾毛爾報所登。雖未細論其分利之由。已可見其分利之實。故照錄左。
東方洋面所用之煤。向取諸英國者。今皆購自日本印度矣。英國煤商聞之。能無黯然。日本近二三年內。在東方所銷之煤。比前為數尤多。貨色雖比英國之喀迭夫及他處之煤。相去尚遠。而用日本煤。則百分之中。可省價四十分。以日本開礦工費較省。加之所開之礦。離海又近。易於載運。現在郵船會社。推廣分局之後。日本所產之煤。運往香港上海小呂宋新加坡奧大利亞及舊金山等處。所需水脚之廉。尤非英

商輪船公司所得同日而語矣。孟買棉紗廠所用之煤，亦由日本運來。加爾吉塔印
城與班考爾煤礦相離甚近。印度鐵路所需取諸本地者，又多於往昔。此印度煤礦
所以開挖愈廣，歲出愈多，亦即英國之煤所以銷路漸少也。

英包探劫盜密約案 續第八冊

譯啟洛克阿爾唔斯筆記

至月光下，攀大驚呼曰：是約瑟乎？啟又言約瑟不帶帽，身披黑色一口鐘，蓋恐被人
見，便遮面也。維時彼在墻陰下，躡行至階前，俄取刀壞窗葉，因伸手從壞處入，拔直
扁，啟窗踰入，然燭兩枝置火爐上面架上。於是將近門地毯揭起，又俯擡去一小板，
便從此中將紙捲取出，已而將板及毯均鋪蓋如原式，又吹熄燈，遂從窗內跳出，則
適在我臂圍之內，我便極力抱持，彼持刀砍兩次，我咸接得，惟一次被傷指節，而我
已將彼兩手緊握，彼兩目怒視，氣色極惡，我徐以理喻之，始將紙捲交出，我得此紙，
即縱此人使逸，旋發電與復勃斯，使彼速緝捕，若復勃斯敏捷，能獲固佳，如不能得，
於國家亦甚便。夫阿爾黑斯特也，攀息翻爾白斯也，均不欲其外揚者也。攀曰：怪哉，
我十禮拜內，擔愁著恐，豈知即在我臥室內耶？啟曰：誠然，即在汝屋內。攀曰：約瑟乃
作騙子，乃作賊，真可怪。啟曰：彼之性情叵測，不可以貌相。今早探得彼在倫敦，為撮
香生意，如買先令虧累甚鉅，故凡可以得財者，皆無所顧惜，君之身名，與彼妹之終

身非彼所計也。攀曰：聞君言，令我頭目昏眩。啟又曰：此案因情節太多，致緊要之情
節，被不緊要之情節掩過，然我等辦事，有一定規矩，必須將近理之情節，先行察勘，
如非是，方察稍遠於情理者。我初即疑及約瑟，因汝既欲約彼，焉知彼不來約汝，況
汝言彼實知衙門內門徑乎？又前夜有人壞汝臥室之窗，我思此臥室內，除約瑟外，
何人能藏物其中？且汝固言病時移入約瑟所居屋，又君屋往日，皆有人陪侍，適是
夜無人，忽有人來壞窗，試問此等動靜，除約瑟外，何人能知有此數層？故我前日所
疑，乃變為實在憑據。攀曰：如是我真為無目人矣。啟曰：由今思之，彼必先由雀爾斯
街之側門入署，彼素識門徑，故直入公事房，值君不在屋內，急掣鈴呼君，忽見案頭
一紙，知為重要之物，即藏衣內，逕歸君，不謂過幾分鐘，門者與君言，方上樓乎，意彼
即在此時出側門去。趁第一次火車回華肯，檢視始知為極貴重之物，倉卒間，恐為
人見，乃藏諸地板下，自謂穩妥已極，俟人靜後取出，不料君歸，遽令彼移居他屋，而
君乃居其屋，嗣後屋內至少，亦有兩人，無從取出，俄見有隙可乘，彼潛入欲取，而適
為君所覺，君記彼彼晚未飲安眠藥水否？攀曰：記未飲。啟曰：幸甚，是晚彼必將此藥水
暗中加重，使君沈睡，不意君未飲此藥，致事不成，然彼必尚思別法，我故使君離此
屋，彼必謂又得此極巧機會，我又令安尼終日坐屋內，使彼白日不能動手，待安尼

睡彼謂即可取出豈知我已在彼守候致為我獲我早知此紙必在此屋內但我萬不能將屋中板壁全行拆視故縱彼使自取可省我無數之力君輩思我尚有見不到處否滑曰伊第一次何以必從窗入如從門入豈不甚便歇曰彼從門入則須過他人牀前且彼自草地入甚輕易也攀說彼持刀徒為撬窗用非欲害我性命乎歇曰當如是然如約瑟者亦難言哉完

路透電音

威立嚇哥英官倡言時謂東方事英宜廢沙伯洛司約與俄合辦查沙伯洛司約於一千八百七十八年在土京訂定約英國幫同土王保其亞西亞洲內屬地並以兵力拒俄又約土王保護耶穌教等教民土王恐英有貳心以沙伯洛司島割酬英國遂各此約日沙伯洛司約西十月○英將兵船聖喬珠由湯恩地角阿非利加極南調回善齊拔阿非利加東南半島由德保護並由地中海添調兵船前赴該處○英法俄議定照會土廷逼令改政以保阿米尼亞之人西十月○英由地中海調快船濟勃勞立透赴善齊拔以德國在該處舉動與英為難事急英故有此舉西十月○中國將另造福州船塢據巴黎官場云已交法人包辦合同於本月十一日在北京訂定○德國來信謂善齊拔添調水師為恐開立申謀並謂開立若不安分以仇報德前在德領事署避難事見第四冊電音德國必將伊驅出德屬之境西十月十四日

東文報譯

日本東京古城貞吉譯

銀貨問答

譯大阪朝日報西九月

美國人士以銀貨為現時握要之圖議論洶洶不可遏抑紐約撲士打報館窺當路諸公意見設為問答之詞撮其要旨譯錄如左

問主銀黨論者宗旨所在何如曰銀價賤落制錢為之減色謂國家鑄造之金銀錢因而物價益賤落此蓋主銀黨之人所據以為口實者也現在美國政府廢銀幣而專用金幣故行使之銀數甚減銀之價值賤落物之價值亦由此賤落故主銀黨時此議以駁主金黨也問鑄錢而供給所需用亦有減乎曰不然凡物於此銀黨時此議以駁主金黨也問然則於其事實何如曰以美國實情觀之供制錢之日有增加必賴彼之有所昭昭明矣據千八百六十一年統計美國制錢為四億四千二百十萬二千四百七十七元而在千八百七十二年多至七億三千八百三十萬九千五百四十九元又據大藏省公示本年七月一日所實存之數為十五億五千五百五十八萬四千二百八十三元問制錢增加現情如何曰以本年比千八百六十年已增加二倍四分又比千八百七十二年已增加一倍一釐也問以何方法能證明之乎曰以每日所現存之人口總數除同日所行使之制錢總數得人與錢之平均數也問其所得之數若干曰美國通行制錢據千八百六十年七月一日計算人口一名約有十

四元六仙。在千八百七十二年七月一日。則一八約有十八元七十仙。而在本年七月一日。則一八有二十一元三十五仙之多矣。問美國情形或然。然通地球各國。恐於制錢有減色也。曰。決不然。蓋亦有增加之迹焉。問其證據如何。曰。據新產出之金塊統計也。問然則新產金額可得聞乎。曰。憑造幣局總理報告以為據。蓋自千八百七十三年。至千八百九十四年。地球所產出金塊。總計實二十五億二千六百八十三萬四千九百元云。問金塊新產出額。有增乎。抑有減乎。曰。其增加之迅速也。可無論矣。問然則其數約若干。曰。據千八百七十三年。統計地球金塊產出額九千六百二十萬元。千八百八十年。一億六百四十三萬六千八百元。千八百九十年。一億一千八百八十四萬九千元。雖千八百九十五年。統計。尙未明確。必約一億九千九百五十萬餘元也。問由是觀之。果何所為也。曰。為地球貨幣之增加。故以每年所增加之金塊。比前二十二年。足見增加兩倍以上也。問產金之數。現時雖有增加之勢。恐將來亦有衰減也。曰。不然。如亞美利加。澳洲。南亞非利加等。礦學家。寧肯輟業乎。將來產出。諒必出於今日之上無疑也。問雖然。為以銀塊不為制錢故。於供給每年所增加之金屬制錢。得無或阻礙乎。曰。不然。問其理由如何。曰。據千八百七十三年統計。地球上金塊產出九千六百二十萬元。而銀塊產出八百八十萬元。即合計一億七千八百萬元。然據千八百九十五年。即昨年。統計金塊產出一億九千九百五十萬元左右矣。亦可以見其於供給制錢。無阻礙也。問木那。咱時產金數。出於今日之上。確否。曰。不然。問然則當時產金之數約若干。曰。自千八百五十六年。至千八百六十年。統計地球產金。每歲約一億三千四百八萬三千元。產銀約三千七百六十一萬八千元。合計一億七千七百七十萬元。比諸客歲千八百九十五年。產金額。多至二千七百八十萬元也。問然則主銀黨之論。謂自停止行使銀錢。致貨幣供給。漸覺縮乏。果何謂也。曰。是全坐一大謬見。試合環球之情形而論。又合美國之現情而論。可知其說之謬也。問雖然。自小麥下至各種農產物。其價皆賤落。豈非實事乎。曰。然。問然則其理安在。曰。無他。環球皆以農業為重。以增其收穫。出產既多。價自賤落也。問農業畝畝之增加如何。曰。自千八百七十二年以來。至今南北亞美利加。及亞細亞。增加農業地畝。蓋為前古所未有也。問目下販賣小麥。有相競之勢。何故也。曰。為年開銷路於四方。多爭上於市場之故也。問於何國市場。為最夥乎。曰。英國哉。通地球購買者。十之八九。必仰穀類之供給於英國市場也。問其販賣額約幾許。曰。據英國所銷流者。統計其輪進小麥。而又輸出之者。實為五千五百二十六萬九千九百二十四。含多爾威多。一含多爾威多當日

本十三貫。比諸前數年。見其增加。蓋亦莫大焉。問何產小麥之多至此也。曰。由於六百目。印度俄國烏桓圭西方等產穀地。增轉運之便利也。問於北美國。亦如斯增加乎。曰。增加日見其益。問其額約若干。曰。據千八百七十五年。統計美國產小麥地。有二千六百三十八萬五千五百十二過哥。至千八百九十一年。則增至三千九百九十一萬六千八百九十七過哥。即實增加十之五也。而千八百七十五年。所產出為二億九千二百十三萬六千不士耶。一不士耶當日本一斗八升千八百九十一年。產六億一千一百七十八萬不士耶。如前千八百九十五年。大減農業。且有凶荒之嘆。而猶且產出四億六千七百十萬不士耶矣。問獨小麥有增加乎。曰。餘穀類亦有增加焉。問敢請舉其例。曰。在千八百七十一年。美國開墾地。三千四百九萬千三百三十七過哥。至千八百九十一年。得七千六百二十萬四千五百十五過哥。又以前年所產出穀類。比諸千八百七十五年以前。實當二倍以上。耕作燕麥地。及其產額。亦二倍於千八百七十一年以來。又以千八百九十四年所產棉花。比千八百八十七年以前所產出。實增加十之五也。問如斯情形。則致穀類及棉花落價。亦不可免之數乎。曰。然。凡物產之競售也。與衣類器具書籍鋼鐵軌條小針等類之落價。亦同一理也。問然則當此時。自由鑄造銀錢。謂民間有銀塊輸之國家。由國家為之鑄造銀幣也。利於耕作穀類者。不亦大乎。曰。不見其然也。問其理何在。曰。銀錢之數增加。而穀價亦覺騰貴。凡百物價。亦因之騰貴。於農夫等。不見利益。則必望銀錢之不增也。問主銀黨之論。亦嘗統計實數。以定權衡乎。曰。未見其有所據也。問然則無精確之論。又曷能主張其說乎。曰。苟欲論此事。宜援引制錢及產物而統計之。斯為可據耳。主銀論者則不然。宗旨之誤。蓋在此也。問然則主張主銀黨之說者。何故不出於此途乎。曰。彼其意蓋恐援據此說。即為所駁詰。無以自申其議。猶值寇兵而資盜糧也。問能有謂以右統計之說為非者乎。曰。必無懷疑於其間者也。雖彼主張主銀黨之說者。亦必深服是說也。蓋所言統計之法。據美國大藏省農務省及統計局所公示之報告。並造幣局總理之報告。及英國商務局報告。逐一綜核。亦足以昭信矣。美國本有主金主銀二黨。今當國者主金黨也。此論亦主金黨所撰。故袒金而抑銀。于主銀黨論議之長處。亦不復述。及特閱之。可以知金銀消長之故。歐美貿易之情形。故譯登於報。

歐洲外交政策

譯東京日報西切明

俄國那麼是的。報云。邇來歐洲外交情形。猶是昔俄相兒那巴拿弗之故智耳。泰西列國。外交政策。咄咄怪事。日益繁夥。或角逐利害。或互相傾軋。大地全球。蠻觸競長。滄海橫流。時事日艱矣。蓋歐人所最重者。在審國家之利害。凡與國聯盟。外交政事。靡不量其同異。權其得失。決無太阿倒持。受人以柄之患也。比中日之役。俄德法締

盟如出一轍矣。亞美尼亞之事，英俄法訂約矣。又革雷得島之事，奧與俄法互相聯合矣。何則？歐洲列國甚慮東方變動，延累西歐，觀於朝鮮及馬達加斯加之事，可爲明證。歐人閱風腥雨血之慘，故出而梗阻，俾各守和局而後已。列國政府外交之道，其競巧一至於此。彼亞美尼亞及革雷得島一役，關歐洲大局爲不少焉。至能排解亞美尼亞之紛難，斬截革雷得之葛藤，尤歐洲和局之所係也。

比東歐之事，岌岌不可終日。就土耳其之勢而論，謂土能以獨立乎？抑將自亡乎？值土崩瓦解之危，列國皆耽視焉。若一二國首倡發難，則危如累卵矣。然一國舉事，則列服環伺，咸欲窺占摩斯波拿氏沿岸而席卷其地焉。則爲俄國者，豈肯袖手旁觀？一任他人占踞君士但丁堡哉？度俄人必不許也。如謂此地爲列國所必爭，則歐洲之野，伏尸百萬，流血漂櫓，恐將不免矣。唯列國知之，迫得多方盡瘁，以求遠禍之途。夫豈無故哉？蓋處亞美尼亞與革雷得者，均是戴天履地，圓顛方趾之僑耳。一旦橫被慘厄，凡有血氣，疇不矜憐乎？各國惟哀憐庶兆之無辜，故出而議和也。苟輕舉妄動，滋生事端，使歐洲之繁盛掃地以盡，衰草荒煙，尸骸枕藉，仁人所不忍言也。故亞美尼亞與革雷得一節，列國政府議於平和之間，而冀得一當，其所兢兢者如此。至革雷得之事，列邦政府斡旋盡力，亦不尠焉。彼土國及革人當發深省耳。然則革與土蓋訂平和之約，土待革宜表懷柔之忱，庶歐洲和局或有賴也。

俄皇游歷歐洲

譯國民報 西十月
初六日

俄皇尼哥拉士第二，纔新婚，頃偕皇后，遨遊英國，聞將轉歷法京。僕從比櫛，衣服麗都，威武軼倫。萬國咸仰止焉。意者其漫游歐洲，必於外交局面，畧有變更乎？昔彼得第一，於千六百九十七年，巡游英法，微服作工，歸遂變政，振長策而馭宇內，強皇室而奮權威矣。故於千七百九年，逆擊瑞典，英主奢律是十二，遂帥大軍以攻俄國。後以千七百十五年，復游歐洲，嗣是游歐洲者，爲亞歷山大第一，實以千八百十五年，爲同盟軍總帥，入巴黎，旋歷西歐各部。爾後俄皇之游歐洲者，厥爲今皇尼哥拉士矣。皇雖弱冠，而其一舉手一投足，亦關乎歐洲之全局。俄國勢力之大，亦可以概見矣。

論俄相兒那巴拿弗

譯時事新報 西九月
廿五日

俄相兒那巴拿弗，以去月逝世，遂使歐洲形勢，大爲變動。設非斯人作相，則歐洲全局，不至波起瀾翻也。抑斯人之在天下，不獨歐洲爲之變遷，即環球大地，亦遭蹂躪焉。芻狗萬物，斯人實階之厲矣。其爲人也，才調軼倫，志氣激昂，運籌決勝，此其所長也。溯魯相登朝，纔數載耳，行夫國政，未爲久也，勳業如此其隆也。威懾英德，雄稱歐亞，橫覽五洲，罕其儔匹。頃騎箕長逝，恐此後外交政策，不能遂其志矣。如亞耳米尼

亞虐殺之慘天下所側目也。兒相若懵然無聞焉。非無聞也。彼其意汲汲於富彊。故殘民以逞。卽肝腦塗原。膏肓潤野。亦所弗恤也。後以虐殺之慘。事聞政府。俄皇惻然哀憫。矜此黔黎。傷土國之殘暴。怒兒相之不法。綸音迭下。詰責嚴峻。兒雖不欲亟思改圖。不可得已。自是以後。怏怏不樂。憤鬱無聊。遽歸道山。職是故也。其外交權術。與拿破崙等。至雄心之盛。酷似伊官拿次呼將軍。而寬容稍遜。惟丰裁峻整。度量酷隘。故不能允協輿情。此其弊也。然窺其宗旨。甘作民賊。毒痛四海。囊括宙合。方遂厥志。殆魏武帝張獻忠李自成之流亞歟。夫武健嚴酷。仁者羞言。然安內攘外。掠地取邑。當今之世。罕有倫比。揆諸申韓。未遑多讓。如兒那巴拿弗者。可謂才士也。夫其志在轉旋赤軸。恢擴黃圖。爲拿破崙之續。故苟與俄敵者。擯斥排擠。不遺餘力。何怪其執政數載。遂雄據八方乎。如亞耳米尼亞之事。待其勢力竭盡。然後圖之。此其所以制勝於尊俎之間耳。拿破崙之治兵。兒那巴拿弗之謀國。雖君臣殊位。古今異轍。至恣神出鬼沒之奇策。建爭城侵地之豐功。則前後同塗。未嘗異軌。昊天不弔。梁木斯壞。今也則亡矣。不識繼其遺志。成斯偉業者。果何人也。顧十步之內。非無芳草。雖無老成。必有嗣音焉。如駐法全權大臣。磨甯希末。亦能勝任愉快也。其志畧非常。深謀遠慮。揆諸兒相。伯仲伊呂。俄之雄彊。未有艾也。方俄相之亡也。英人聞之。羣相舞幟。方謂無

敵國外患之虞矣。詎意孫吳頗牧。涓涓不絕。滄海驚波。曾不少息也。悲夫。紐約桑報所論如此

俄人窺伺滿洲

譯國民新報西十月二日

牛莊來函云。邇來俄人出沒滿洲之野者。雜沓鱗萃。遼東牛島。尤覺繁夥。故是處土人有戒心焉。僉云。此乃俄國割奪滿洲之兆也。自是羣情洶湧。怒目張拳。勢幾用武。伊彼俄人。果何種類。何等人物。貿貿然來。欲幹某事業乎。雖未悉其詳。然窺彼覬覦滿洲之心。不待智者而知矣。彼土人憤激。怦怦欲動。蓋亦不得已也。

朝鮮准俄人採伐林木

譯日本新報西九月廿六日

比聞烏拉是我斯德克。俄國所保護商人母尼略。上書於朝鮮政府。請自咸鏡道茂山。及豆滿江岸一帶之林木。特准俄人採伐云。朝鮮政府。開廷集議。遂允諾。或云。凡鴨綠江一帶。及江原道鬱陵島之林木。皆予俄以特權。蓋此地素非俄人所管轄。不意倏忽之間。遂被占據也。俄國自蠶食烏蘇利地方以來。汲汲拓地於南方。故垂涎咸鏡道之北部。夙夜經營。匪伊朝夕。距今數十年前。俄朝兩國。互訂章程。在元山之北三十里。距俄境百七十餘里。村落稱咸興地。祇准通商貿易。不許窺占寸土。然俄人所至。輒肆吞噬。乃敢築建廬舍。設置農場。講求畜牧。不一而足。又於咸鏡道北。購買朝鮮土地。訂永售之約。存吞并之心。蓋俄國政府。窺伺已久。猶是占有不凍港之

素志故兢兢行此秘策也。曩者朝鮮政府因度支日絀擬與俄借國債五百萬圓以咸鏡平安二道作質遣閔泳渙往俄京商議俄人不許蓋懼他國之議其後也。至其陰謀詭計必有密訂貸金之約如採伐林木一事足徵諸實事者也。邇來俄人烏呼多末氏幾幹俄清銀行之事或蹈朝鮮故轍乎然亦足窺俄人之志矣。

俄國貿易大會

譯國民新報西十月初七日

俄國政府諭令貿易商及產業家集廷會議其大要曰俄國頃欲整頓產業亟圖富彊其目有三。一曰勞工職業。二曰村落產業。政府所加意。三曰教育工業。凡茲三者均宜措辦。譬彼琴瑟不調甚者則改弦而更張之。乃大集商人權衡利弊審量得失。凡新產物業稍有妨礙盡行變革。若勞工事業一切利益日擬增加且欲裨益外商簡省關稅。又農業機械及人工肥料米麥等稅亦議節減。該會長哥比哥持議云昔俄商貿易德與爭衡聞之諗矣。邇來俄國產物輸運於西部中國及蒙古滿洲如洪水逆行。洶涌莫遏其通商利權已侵蝕東方。然俄皇猶兢兢於海關稅則保獲商民者蓋為異日囊括地球計耳。

查俄教育勞工實仿德奧二國之制。比俄皇銳意經營增廣學校開民智識使之樂事勸工。尊君親上該會所議殆有關係於國本乎。八月念五英國日報所記如是。

英俄合從策

譯國民新報西十月初二日

據麥爾古倫古報云英國富彊雄長大地握自主之權操合從之柄環球諸國莫與京也。昔革雷得島以殺戮基督教徒俄恐英議其後遂以兵力保護亞美尼亞人矣。是始英俄合從於東亞之實事也。果爾則歐洲情形自錫當一戰大局變遷矣。昔本館論英俄同盟實久安長治之策竊冀博識達觀如沙爾士勃雷侯者必能芻蕘下採矣。今則計果出此豈沙侯亦謂合從之策為可行乎。不然何以棄土國而不顧背輿論而弗恤也。當俄國占土京之時英甘袖手啞忍而恣俄人之欲以沙侯之明察豈不知之。雖俄政府佯謂無占領土京之意然窺其豕食隣國未嘗一日忘也。英人持論謂當縱俄國窺占麥士弗郎士海峽以填其慾壑必使彼有認踞尼羅河畔之實而後已。是英國人民不欲保存土京以拒俄之侵畧矣。然舉土耳其之大悉委諸俄人掌中。即愚者亦知其計之拙矧沙侯之才畧豈有不洞悉哉。第舍小節而論大端侯為英俄合從計誠足嘉矣。夫兩國同盟關中國及印度者原非淺鮮。苟英俄聯約合謀中國俄必通西伯利亞鐵路踞不凍港於太平洋其於我英何願不償何求不得。自今以往亡羊補牢仍屬未晚。將見始則英俄合從繼則英俄法聯盟矣。昔英意連衡李奧頓睦遺軌未墜其或有躡迹者乎。然為英計者烏可與俄齟齬而緩其

和局哉士必的持兒報所論如此

意責南美政府

譯時事新報西七月廿七日

南美伯刺西兒共和國人與意民械鬥互有死傷意國駐伯公使奉政府命嚴責伯政府曰非速謝罪陪償鉅款恐王帛化為戎矣伯政府聞之集廷臣會議而內務大臣與外務大臣所見互異堅執不解內務大臣遂挂冠而去意政府敦迫愈甚曰若緩時不報則調派戰艦背城借一以大洩其憤焉伯政府慄慄危懼請意人暫緩須臾勿動干戈俟再交議云

虞侯評論土皇

譯國民新報初二日

英國前相虞侯論土國皇云土耳其之慘酷其厲階不始回民而實濫觴於土皇也其殘暴若此始為近世史氏所稀聞然歐洲政府竟任其作威殺戮塗毒黔黎可謂忍矣嗚呼以暴易暴不知其非意者脅以兵威劫以大力迺能禁其虐殺也

朝鮮貨幣考

譯日本新聞初八日

朝鮮國內所輸貨幣分為二種一曰舊貨即日人所謂韓錢一曰新貨舊貨又分別二種曰一文錢曰五文錢二者圓形方孔面鑄常平通寶四字新貨又別五種曰五兩銀貨其重量模形與日貨一圓相似曰一兩銀貨其重量模形與日貨二十錢相似曰二錢五分白銅貨其重量模形與日貨五錢相似曰五分銅貨與日貨一錢相似曰一分即黃銅貨幣是也蓋所謂新貨乃前年八月所創制者也

朝鮮政府之創制新貨首頒新式其發行章程以五兩為大貨一兩以下為小貨以便民用故大小有制輕重有率於用一兩銀貨以百兩為限不准過多於用二錢五分白銅貨以下亦以五兩為限垂為定制又交換舊貨一分黃銅貨一個與舊貨一個相等五分白銅貨與舊五個相等二錢五分白銅貨一個相當舊二十五個一兩銀貨一個相當舊一百個五兩銀貨一個與舊五百個相等舊貨雖有一文錢五文錢兩種實則同價也蓋朝鮮國慣用一文錢久矣交換貨物互通有無常用一文錢距今十三年始鑄五文錢一個換五個以羨補不足然錢制龐惡加以政府濫發市不平準竟至錢價日落五文與一文錢價相埒故在今日雖有二者名稱之異而其實價則同也而其重且在五文錢百個每日秤衡自二百五十且至四百且一文錢每日秤衡自百五十五且至八十四且同一貨價而數目差異如是由此觀之貨幣流通價值仍不免虧缺意新貨發行為該國善政可卜其日有起色矣

核算舊貨今尚存二式在漢城及仁川地方一文錢與五文錢本無分別故其所謂一貫文其實為二百個也在釜山元山各處稱一個為一文故其所謂一貫文實為

一千個也。若強欲區別，則有名無實。蓋非實價之區別，而止稱呼之區別也。其以此等錢比日本貨，名雖異稱，價實相同也。

朝鮮國貨幣，既改絃易轍，可決其蒸蒸日上焉。然政府所鼓鑄銀圓，最重者率五兩，第銀貨發行，僅為一萬九千九百二十三圓。邇來不復鼓鑄，但時鑄五兩以下白銅小貨，以補助之。遂至流通窒礙，有妨商業。然貨幣紊亂，當求拯救之法。若韓人不解事理，濫發小貨，恐貿易場中，大為減色矣。

論臺灣財政

譯國民友誌 西九月

文學士阪谷論曰：臺灣小島，地處溫帶，土疆腴厚，人民雜沓，財政一端，不可不重加整頓也。不然，用度支絀，何以式廓版圖乎？英吉利天下之雄國也，凡在屬地，莫不燭照計數，以收統馭之權焉。蓋英國羣島，生財有道，不待仰給於本國也。若法國反是，故疆圉雖增，而本國愈窮。不若英之富彊也。豈英巧而法拙乎？夫歛別島之貨幣，以輸於本國，揆諸天理，詎可謂平，均是我封疆內之人民，焉可毗輕毗重也。況敢要納貢獻乎？故征收屬地者，非仰給於本國者，亦非也。然則臺灣之財政，可不量度其收支哉？據明治二十九年，查該地面積二千六百萬方里，人口三百萬，歲入六百六十萬圓，而歲出二千八百八十萬圓，比較人口，一人歲入二圓二十錢，歲出七圓二十錢。由

是觀之，欲臺灣財政收支均平，不知果待何時也。試觀北海道及沖繩實情，北海地面積六千方里，人口二十七萬九千人，歲入九十七萬圓，歲出三百六十萬圓，則一人歲入當二圓五十錢，歲出當九圓五十錢。又沖繩面積百五十方里，人口四十一萬九千，歲入四十八萬圓，歲出三十一萬圓，則一人當歲入一圓十錢，歲出七十六錢。就三地論之，得收支均平者，厥惟沖繩，而臺灣及北海道，則未之逮矣。蓋沖繩土地開闢，人民饒庶，臺灣與北海道無是也。全臺歲入六百六十萬圓，半為營粟所收入。然營粟害人，不可飢縷，當重申禁令，拯彼黔黎，夫嚴禁鴉片，固地球公理。況斯民已盡隸我圖籍也，則為今日計，宜一掃惡習，以營粟之資，廣殖物產，誠當務之急矣。抑民為邦本，臺灣黎元三百餘萬，匪獨國家之本，抑亦財政之本也。就邇來情形論之，所謂國家之本，財政之本者，虛有其名，而無其實。一旦欲收支均平，豈可得哉？故臺灣要務，一在興學校，一在理貨財。知斯二者，則名利兼權，納民於軌物中矣。昔臺灣之隸屬中國也，亦不仰給於本國也。則今日豈宜異轍乎？若治臺之費，其目有三：曰行政費，曰守備費，曰拓墾費。行政費者，萬幾叢集，需用孔多也。守備費者，蒐乘補卒，預備不虞也。拓墾費者，轉輸器物，闢土耕殖也。其行政之費何，以經常歲入，行當務之急也。守備之費何，非關兵燹守禦之防，糜費不得過濫也。拓墾之費何，臺灣賦

稅日有增加。動用國帑。以開異日利藪也。然支用日繁。則財款易竭。自當預權子母之息矣。臺灣課稅。絡繹增長。不待智者而知。然不計出入之盈虛。而徒增經費。不免爲財政之失也。理財之道。治國與治家等。取盡錙銖。用若泥沙。於事何益乎。況臺灣人民。日益繁庶。游惰不齊。則財賦一端。最易窘竭。且生民待給於國家。其力必有所限。今臺灣人口二百餘萬耳。以本國核算。每人歲給約二圓。就全臺而論。不過六百萬圓。以每人三圓而論。亦止九百萬圓耳。若徒經理租稅。以圖利源。雖有良法。恐難平均每歲出入之數。故於租稅之外。別商善策。是宜立官業制產之法。以孳生財源矣。昔英國特以經畫土地之權。付與公司。故於節約經費一事。頗收實效。英國疆土日闊。未始不由於政策之善也。不然。何以幅員廣大。雄甲地球哉。日本既撫有全臺。廣土衆民。可謂美矣。然於圖治之法。亦不無遺憾。何則。臺灣未割之前。農工商賈之業。日本未能鑑察靡遺也。若籌策不善。必使本國永絕雄飛之心。抑財政者。政事之樞機也。樞機之發。榮辱關焉。故握其樞機。而後措置裕如也。臺灣之近於本國如此。土地人民之豐富如彼。重以四面環海。防備易周。而竟使財政廢弛。國用拮据。不其偵歟。彼握秉鈞衡者。曷不卽地球理財之書。古今得失之故。覃思研精。以期實事求是耶。

論塵兵要電

譯東京日字報西九月十六日

兩國塵兵。機密孔夥。欲求消息。迅速徵調得宜。電綫其最要也。電音之効。厥有二者。一曰未出師前。收其效。如徵發將官也。準備器物也。調集兵軍也。一曰當出師時。收其效。如交涉統帥也。左右參謀也。轉達軍情也。凡此皆實效可觀者也。語曰。先發制人。後發爲人所制。電音之謂也。有國者。烏可忽諸。

是故道國之要。莫若於必爭之地。先設電綫。以通國都之氣。電綫有二種。曰空中電綫。曰地下電綫。是也。空中電綫。各都邑所通用。而動輒有破損之憂。雨雪風霜。最易剝蝕。故歐洲諸國。多沈設電綫於地下。以爲空中電綫之補矣。且夫當烽煙之告警也。敵國或放間諜。切斷空中電綫。以阻我徵發兵員。又或先驅突騎。條入國境。破壞電綫。以阻我屯兵都邑也。況又有敵兵。襲我電音局。奪我電音機械。且爲僞電。而誤我事之虞也。然至地下電綫。萬無慮此。蓋藏於土下。未由探悉。沉藏綫。伊始掘地數尺。鐵板圍護。卽欲破壞。動需時刻。談何容易也。夫費日旣夥。幹事甚難。非二三騎兵。所能措辦。設蜂擁鸛鵠。率衆行事。謂能掩巡兵之耳目乎。

查初設地下電綫。實權輿於德國。自一千八百七十六年。倡始興築。故德國以地下電綫。收効孔多也。甯擲鉅貲。紛紛興築矣。當時架設空中電綫。一揭羅尾多。費七百

法地下電綫實費九千法已取費不資矣然地下伏綫之費雖較架設之費為多然每歲補繕之費甚鉅也若空中綫則每年補繕之費須十馬克七十不省堯而地下綫則十五不省堯已可辦矣互相比較是伏地綫比空中綫獲利更鉅也況堅牢不見破損之憂則其優也萬萬矣

法國現設地下電綫七千揭羅尾多亦不為少矣德法諸國咸講搜毀地下電綫之法然此事秘密不使敵國聞知故索檢甚難即掘地掘埋之處亦有磚瓦護焉欲破壞之非用爆裂藥不可昔俄德法三國為戰時電綫準備絕無大礙俄德兩國以架設電綫之務專責於兵官唯後部方面為電音局別使官吏任之法國之制戰場電音亦任之於電局吏不假諸武官之手國人非之謂當戰時與陸軍聲氣相通者厥惟兵官耳若以軍機要電委諸尋常局吏恐貽誤大局原非淺鮮邇來各國亟欲購造電音機器蓋以交戰之時便於移動也德人於千八百九十四年演習陸軍嘗架設電音綫自伯林至波都是覽三千美啞都兒騎兵辦理纔四點鐘便可蕺事矣故電音之捷速於置郵千里餽糧咄嗟立辦百萬貔虎操縱自如嗚呼豈非一大要具哉俄國兵事雜志所論如此

等所見乃砲臺外哨卡非正軍也是日中途有三四人在後被殺割去首級步兵數人逐之追及印度游騎其人即豎樹枝置鎗砲請和步兵不解其意然鎗擊之斃其一人諦視之即示加魯日地之子乃知誤擊急將尸抬回時畢辣篤篤舉措失度呼其父及印度人至前慰唁厚賻之令以軍禮埋葬令將士均送至壙前然鎗示敬如陣亡之例華盛頓在昱希柯根利養病身體初復方寸鬱紆深恐不及於事七月初三日遇解糧兵百名至時尙不能乘騎遂乘蓋車進發沿途委頓七月初八日到畢辣篤篤捫壘加希拿營去刀昆利砲臺約十五里畢辣篤篤見華盛頓到甚喜禮遇益厚摩利示及奄未等更加親密時已定次日攻刀昆利砲臺捫壘加希拿河上小道約二里左傍河右依山甚難行軍乃定議渡捫壘加希拿河沿西岸行五里再過小河乃轉東直逼砲臺河水甚淺易涉黎明遊擊幾治率前軍渡河至第二河暫止以俟中軍前鋒乃高大步軍二旗及急頓呵利道結自主隊一百六十大砲二門華盛頓見正兵不慣野戰難以取勝因請以故毡利牙之遊獵兵為前驅將軍以其年少不聽七月九日黎明幾治引軍過河沙專失其利牙領工人二百五十人隨後開道軍中一色戎裝擊鼓揚旗軍容甚盛由捫壘加希拿河登岸穿入林中日已停午幾治前軍屯紮捫壘加希拿對面河岸傾側大砲輜重暫停河畔約一點鐘待第二隊

渡畢乃進至吠禮沙兒倫小河復止軍候將軍指揮各軍渡畢幾治乃統機匠及鄉導快馬六人前進沙專失其利牙率工人運大砲二門分兩翼繼之將軍率大隊居中以步兵押護大砲輜重故毡里牙兵殿後先時途路平坦過河半里許地漸高叢莽夾道及入山林木翁密無徑可通只一小路寬十二尺兩傍皆斗絕深澗林莽深黑畢辣篤不識山林陣法未派印度及故毡里牙獵徒先導偵探一意督兵前進至兩點鐘時前軍與工人過平原聞鎗聲噴出將軍方與華盛頓立馬密議急令參將卑頓率中軍前隊八百名進戰留四百名在後保護大砲輜重已而鎗聲益近殺聲大起山谷震動將軍遣傳令官前往探視未及回報軍心惶亂將軍即留沙必打蝦兒傑在後押護輜重親赴前敵督戰前鋒本開道木工及護衛機匠兵兩隊規畫道路與法人印度人突遇急然鎗擊之斃敵數名忽林間與右邊澗底鎗彈雨集前鋒大敗退入頭隊幾治揮兵執鎗尾力馳擊林中伏兵無人敢前但聞深澗密林中吶喊之聲不絕我兵迷茫失措只向藥烟處注擊不能命中傳令官麾兵止鎗令見敵乃發而倉皇之際兵士皆不用命顛倒亂施前鋒翼兵多被誤擊伏鎗益猛前鋒傷亡愈多參將幾治中傷敗入沙專失其利牙隊中失其利牙陣亦亂棄甲而奔參將卑頓之兵陳於右山見前隊敗回陣亦擾動將軍急樹兩旗收集亂兵令各將整隊

再戰而兵士紛紛奔潰不復聽中軍號令矣惟故毡里牙兵熟習印度戰法獸散林中未曾傷損乍前乍却全軍賴以護衛不至盡沒華盛頓請畢辣篤暫仿此陣法仍固執不聽猶麾兵列陣迎擊屢進屢敗死喪枕藉餘皆竄入林中不出而將軍督戰愈厲有故毡里牙兵數人藏匿樹後發鎗注擊亦為正兵悞殺華盛頓見正副各兵豕竄狂奔情形危急疾激勵士卒猛進奪回大砲無如敵人彈丸雨注屢進屢却竟不得前印度人三五分布林中鎗不虛發英軍前後錯落鎗彈亂施自相蹂踐前隊多為後隊誤擊喪亡益多人人落膽傳命官奄未及摩利示皆受重傷獨華盛頓神色自若將軍乃以傳令事全付華盛頓華盛頓往來指揮出入鎗林彈雨中迭斃兩馬衣甲洞穿四孔均未受創若有天佑之者將軍又令其護衛大砲華盛頓奮不顧身策馬直前見沙必打蝦兒傑已偃臥陣前砲兵皆負創逃走急下馬轉砲向林中轟擊左右皆奔走不顧畢辣篤仍立陣中指揮書記官沙利在旁中丸立隕乘馬迭斃五匹猶植立不退忽飛彈中其右臂穿入肺膈昏暈落馬故毡里牙急頓示刀活及亞美利加人一名偕左右僕從急扶上兵車護出陣後乃下令退軍此時全軍敗北輜重軍器一律委棄車夫皆奪馬逃散野人厲聲吶喊自林中突出奔追我兵直奔過捫壘加希拿河驚魂始定幸印度人劫取財物未至窮追是日從行將弁八十

六人陣亡二十六受傷三十六兵士死傷七百有奇。渡河時惟餘殘卒百人矣。渡河半里許，卽止宿。畢辣篤此時尚可支持，冀救兵到時，振旅再進。各軍去大路約二百碼，隨地留屯。卑頓率餘卒在外哨探，不一點鐘，士卒大半逃走。畢辣篤與諸將見兵士紛潰，亦欲退避，而傷重不能乘騎，以兵輦負而走。奄未與摩利示則坐臥床，用馬馱載而去。幾治收集殘兵，得八十人。殿後時，華盛頓雖病軀未全，然在諸將中已翹然特出。奉派輦送喪，創赴去此四十里之參將敦罷營，且催督糧食醫藥，令車夫乘畢辣篤戰馬前往通報。華盛頓暮夜到營，卽夕起辦。次早飛騎趕回，行十三里，至化鷄示耕園，遇幾治殘兵及急頓示刀活馬兵，護送畢辣篤及受傷各員回敦罷營。暫留一日，十三日晚，至忌利茂道。大草場也畢辣篤平時驕氣，一敗喪盡，竟夜默不出語，惟默禱天地，痛自悔恨，吁歎而已。然私心猶欲再振，深悔從前玩視印度人之非，見示刀活與華盛頓護侍左右，感愧交集，再三溫慰，謂不意故毡里牙人剛勇好義如此也。己而創重，遂卒於忌利茂道。卽華盛頓年前敗北處，卽夕斂葬。軍中牧師受傷，華盛頓乃代主喪禮，誦詞譏切。畢辣篤在九泉，應亦難辭其責矣。此次英美之敗，皆由將軍剛愎自用所致。出師之初，華盛頓曾以印度伏兵爲戒，畢辣篤漠不爲意，果以此敗績，若受諫納規，以印度人獵徒爲前導，斷不至有此敗創也。以彼臨陣勇敢。

第二百三十三條

凡工頭須將各工役姓名住落一一註冊，并令該工役等均住近工頭所住之處，倘有意外之變，庶幾呼應靈通。萬一大雪堆積，或火車傾側，或別有事故，有礙車路，該工頭卽傳喚各工，設法料理。

第二百三十四條

凡工役修路，若有來車，距該處二百碼之遙，卽須避於路側。

第二百三十五條

凡駕車者駕車，倘見停車暗號，并不停車，且不肯小心前進，該工役見之，必將一切情形告知段總。

第二百三十六條

凡修理車路，更換鐵條木料石塊等物，須將舊料移放他處，以免阻塞鐵路，致有意外之虞，倘不照章辦理，均歸工頭是問。

第二百三十七條

凡各段工頭，每晚須親自查察鐵條是否齊整，螺絲釘曾否收緊，鐵條下之鐵座，果否穩實，輪軸等件，果否光潔，均須一一細看。

第二百三十八條

凡中途火車，忽有意外之變，該段工頭，卽派工役二人，速往前後最近之棧，將該情形告知棧長，并管理暗號之人，仍然卽回頭幫同設法。

第二百三十九條

凡工役修路之時，忽值天氣大霧，卽須停工。該工役速往前後最近之棧，聽候該棧棧長指揮，幫助霧天管理暗號之人，再大霧天氣，倘修路工役，尙未到差，該工頭或段總，須速將該段修路之工役，立即傳到，幫助霧天管理

暗號之人仍至應分換班時換班。

暗號章程

第二百四十條 凡各棧暗號其板有橫斜之分其燈有紅綠之別。日間以板為號。車見橫板則停。斜板則開。均設各棧前後盡頭之處。或有懸於竿上。或釘於牆上。開紅燈則停。綠燈則開。棧中暗號一律釘於竿上矣。無論何故其板一律偏左。以便駕車者易於觀望。

暗號圖

牆橫板
上板
工板
式燈


斜板
綠板
式燈



竿橫板
上板
紅板
式燈



斜板
綠板
式燈



第二百四十一條

凡見危險暗號。即橫板。駕車者須將機器按緊。未到暗號之處。預先停輪。俟危險暗號收回。轉掛平安暗號。即斜板。之後。方准前進。

第二百四十二條

除各棧所掛暗號。并暗號房所掛暗號外。又有這暗號。樹立中途。駕車者管車者。均須小心觀看。一見危險暗號。駕車者當預備停輪。若遙見前途毫無阻礙。不妨將車緩緩前進。待再見前途暗號。或前棧暗號。再為停輪。亦可。必俟轉掛平安暗號之後。方准照常開行。

第二百四十三條

指左路。

第二百四十四條

間有以手作暗號者。手中亦當有紅旗綠旗。紅燈綠燈之分。萬一手中無物。而往來車路。忽有意外之變。欲令來車停輪。該役須當路遙立。兩手伸開。作危險暗號之狀。駕車者見之。務須立即停輪。

手作暗號圖式



第二百四十五條

凡炸響暗號。亦係危險暗號。大霧天氣。恐駕車者觀望暗號不清。致有意外之變。故除掛尋常危險暗號外。又用炸響暗號。安置車路之上。

第二百四十六條

炸響暗號。係用鉛包裹。安置車路之上。火車經過該路。彼此相碰。即響。駕車者。一聞其聲。即當停輪。不可再進。

第二百四十七條

炸響暗號。須小心位置。不可與硬物相碰。亦不可侵潮。

第二百四十八條

炸響暗號。各棧暗號房。固然預備。即管車者。亦各給若干枚。放在車中。以便隨用。隨有。不致措手不及。

第二百四十九條

與二十七條同。

第二百五十條

與二十八條同。

第一百五十一條 凡大霧天氣，管暗號者，觀望暗號不清，各棧棧長須另行派人觀望，遠近暗號。

第一百五十二條 凡霧天觀望暗號之人，必携手燈一盞，紅綠旗各一面，炸響暗號若干枚，以備應用。

第一百五十三條 凡霧天觀望暗號之人，於中途懸掛暗號之處，遠近觀望，必將暗號看清，其時大霧迷漫，須格外小心，立於車路之側，至應分換班時，方准換班。再看清暗號，實係危險暗號，即將炸響暗號，安置鐵路之上，以備來車停輪，還須以手燈手旗，明示以危險之狀，待換掛平安暗號之後，即將炸響暗號移開，以便來車經過，其車過後，又換危險暗號，則該役仍照前章辦理。

第一百五十四條 凡中途所掛之暗號，設有不妥之處，抑或暗號不明，彼時霧天，觀望暗號之人，除令來車停輪，告明駕車者小心前進外，仍須以所見情形告知管理暗號者，並該棧棧長。

第一百五十五條 凡各棧均有霧天觀望暗號之人，設該役不在差所，棧長即派修路工役代之，其應辦各節，該棧棧長須詳細告知。

第一百五十六條 凡大霧天氣，暗號板或橫或斜，觀望不清，須無分晝夜，將暗號又續收助資諸君名氏，以後諸公續助之款，請於信內書明姓氏官階，以便登諸報末，幸甚。

孫慕韓觀察 領諭刑部助銀一百元

各處代收捐款諸君名氏住所

京城	陳次亮部郎 岳瑞 李孟符主政 岳瑞	西珠市口 麻線胡同	天津	孫慕韓觀察 寶琦	鐵路公司
湖北	王雪澄觀察 秉恩 葉浩吾茂才 瀚	織布局 自強學堂	湖南	鄒沅帆大令 代鈞 張伯純大令 通典	礦務總局
江西	鄒殿書部郎 凌瀚 鄒叔誠孝廉 凌沉	省垣繫馬莊	南京	繆筱珊太史 奎孫 鄭蘇龔司馬 孝胥	鍾山書院 洋務局
蘇州	文小坡孝廉 坤 張遜先大令 祖翼	廟堂巷 侍其巷	山東	黃幼達孝廉 遵楷	烟台潮州會館
福建	陳伯潛閣學 寶珠	省垣文儒坊三官堂			

諸君惠款請交上海各處代收本館收到，再由總理簽名繕據寄繳，此外各地再行續佈各處派報處所

京城西珠市口贛甯館	京城電報局	天津	聞口風神廟內西學官書局 鍋店街文美齋書坊
濟南中西大藥房	烟台潮州會館	成都	南門內文廟後吳氏宗祠
重慶縣廟街同文局	武昌新街官書局	漢口	黃陂街乙海春戒烟藥房 招商局上首江左漢記
宜昌二架牌坊江左漢記分局	沙市七里廟巷江左漢記分局	湖南	長沙礦務總局 北門外校經書院
常德南門外乙海春戒烟藥房	江西九江福康輪船公司	南京	坊口大街松茂室

清江浦電報局

淮安城內高公橋劉公館

揚州電報局

蘇州胥門內侍其巷張公館

安慶潘經履署內吳章齋電報局

廬州電報局

蕪湖電報局

常熟景古閣書坊

常州龍城書院

無錫售申報處

太倉州豫復錢莊

杭州上佑聖觀巷汪宅

甯波諸衙弄餘岱鹽局

紹興水澄橋墨潤堂書

溫州學計館

蘭溪電報局

福州南街天泉錢莊

建甯電報局

廣州老城西門內朝天街中西報館靖海門鴻安棧雙門底聖教書

佛山舊橫街百元堂

香港上環恒順泰中環海傍鴻安棧文武直街文裕堂書坊

日本神戶均同茂泰大坂

檳榔嶼嶺南棧石路南懷仁里本報館三馬路格致書室望平街六先書局棋盤街醉六堂書坊望平街千頃堂書坊

諸君欲閱本報可向上開各處購買亦可函告本館及各處掛號以便按期寄到此外各處再行續佈

本館價目 凡先行掛號交報費十兩者送報五年 先交報費十元者送報三年 先交報費四元者

送報一年 以上各款本館收到後均有收據為憑外埠即交經理人代發惟 以上遠近一例惟直隸

山東河南四川廣西每冊須加信資洋二分東三省山西陝西貴州每冊加洋四分甘肅雲南每冊加

洋六分 拆購者每本一角五分 所有各地公局各省省代本館派報收費者每收費十元贈銀

二元本館專憑報價核算其僻遠處所須加信資送費者其價目多少聽代派經理人之便○再諸君

有已定報付貨而忽赴他處者可告知經理人取一憑條即可在他處續取○再各處專寄之報其信

皆當由閱者自付若嫌信資太巨可函商本館按月按季寄均可至將自著文稿寄本館其信資亦請

自給

本館告白 以後諸君閱報均請按年先交報費四元零購者每冊一角五分凡代本館經理各處嗣後

改為概提二成作經費庶免兩歧又凡已有經售本報之處請 諸君即就近取閱不必再託本館函

寄又各處經理報務事極繁瑣且信力及派送需費甚多故提報費二成作為經費閱報者不得援此

例本館譯印此報用貨已巨每分每年僅收四元實已不敷請閱者諒之

本館告白 本館創辦時務報需款甚巨現已稟道存案凡本館所刊之報及書籍不許他家翻印及改

換面目易名刊刻如有印刻者當即稟官究理特此佈聞○再本館自開辦以來荷各省同志扶掖得

以支持助款源源不絕一俟存款稍裕即當譯印西書推廣譯報以副海內諸君子之望

本館謹啟○本館辦事現各定有時刻如 諸君欲賜教惠顧者請於三點鐘後枉駕為荷如有要事儘

可立談數語俟休息時再行答拜

西學書目表附讀西學書法○此書為梁卓如孝廉訓門人之作所列書將四百種區分門類識別優劣

筆記百餘條專言西學書源流門徑有志經世之學者不可以不讀也現由本館代印寄售每部二本

實洋三角並在上海各書坊及各省代理時務報處分售 本館代啟

譯印西文地圖公會告白 本公會購求各種西文精圖在湘省設局詳細譯繪共六百六十餘幅險要扼
塞莫不詳載定價八十一元如購股票者只收回紙印費五十元先收二十五元第一次交亞洲北面
圖百幅應續收股洋二十元第二次出內地直省圖二百六十幅再收股洋五元第三次出亞歐美阿
澳各圖二百零七幅共爲八百六十七幅約三年告成現又分設於上海石路之時務報館如欲購者
請至館看取樣張可也○再此圖初擬石印因未能精妙已托人至日本用爛銅板法鑄印其樣張九
月可到並以佈聞

湖南礦務分局告白 頃由湖南寄到鉛礦及安的摩尼礦如欲購者請卽至上海石路時務報館本分
局看樣可也

實正三角並在上海各書坊及各省代理處均有代售 本館代啟

海印西文地圖公會告白 本公會購求各種西文精圖在湘有設局詳細譯繪共八百六十餘幅除要地
案裏不詳繪定價八十一元如購股票者只收回紙印費五十元先收二十五元第一次交亞洲北面
圖幅應預收股洋二十二元第二次出內地直省圖二百六十幅再收股洋五元第三次出亞歐東
澳各圖二百零七幅共為八百六十七幅約三年告成現又分設於上海石路之時務報館如欲購者
請至館看取樣張可也○再此圖初擬石印因未能精妙已托人至日本用爛銅板法鐫印其樣張九
月可到並以仰圖

湖南礦務分局告白 頃由湖南寄到鉛礦及安的摩尼礦如欲購者請至上海石路時務報館本分
局看樣可也

